

77420/4443(7)

卷之十一

眩

癩癩

子癩

瘥

勞風

胎前瘥

產後瘥

瘥瘥

顫振

產從瘥瘥

厲風

卷之十二

諸痺

行痺

痛痺

麻木

着痺

鶴膝風

攣手

身痛

產後身痛



卷之十

卷之十

此其所以公也者非私也其私則其私也

其所以公也者非私也其私則其私也

其所以公也者非私也其私則其私也

其所以公也者非私也其私則其私也

其所以公也者非私也其私則其私也

其所以公也者非私也其私則其私也



醫學綱目卷之十一

肝膽

眩

癩癩

子癩

哈佛大學  
圖書館  
珍藏印

大法

成無已云眩者非眩而見其眩謂眼黑眩也運者運為運轉之運世謂之頭旋是也

內經論眩皆屬肝木屬上虛丹溪論眩主於補虛治痰降火仲景治眩亦以痰飲為先也

肝木作眩

諸風掉眩皆屬於肝全文見全法

河掉搖也眩昏亂旋運也風主動故也所謂風氣動而頭目眩運者由風木旺必是金衰不能制木而木復生火風火皆屬陽多為兼化陽主乎動兩動相搏則頭目為之眩運而旋轉故火本動也焰得風則自旋轉人或乘舟車及作環舞而眩運者其動不止而左右紆曲故經曰曲直動搖風之用也眩運而嘔吐者風熱甚故也

至心要大命



五藏  
生或

狗蒙招尤目暝耳聾下實上虛過在足少陽厥陰甚則入

肝全文見治  
虛實法

本治肝厥頭暈清頭目釣藤散

釣藤

陳皮

半夏

麥門冬

茯苓各半  
兩

石膏

人參

甘菊

防風各半  
兩

甘草一分

右為麤末每服四錢水一鍾半生薑七片煎至八分温

服

治肝厥狀如癘疾不醒嘔吐醒後頭虛運發熱方

麻黃

釣藤取

石膏

乾葛

半夏麴

柴胡

甘草

枳殼

甘菊

右為麤末每服四錢水一鍾半生薑三片棗一枚同煎

至八分去查温服

婦人患頭風者十居其半每發必掉眩如在車上蓋因血  
虛肝有風邪熱故耳素問云狗蒙招搖目眩耳聾上虛下  
實過在足少陽厥陰甚則歸肝蓋謂此也余常取此方以  
授人比他藥捷而效速等勞散

川芎兩

當歸三分

羌活

旋覆花

蔓荊子

細辛

石膏

藁本

荆芥穗

半夏麴  
炙

防風

熟地

甘草各半  
兩

右為末每服二錢水一大鍾生薑三片同煎至七分去

查温服不拘時服

右甘寒瀉風木

羅風痰治驗

叅政楊公七旬有二有風痰於至元戊辰



春忽病頭旋眼黑目不見物心神煩亂兀兀欲吐復不吐  
 心中如懊懷之狀頭偏痛微腫面赤色腮頰亦赤色足脣  
 冷命予治之余料之此少壯之時喜飲酒久積濕熱於內  
 風痰內作上熱下寒是陰陽不得交通否之象也經云治  
 熱以寒雖良工不敢廢其繩墨而更其道也然而病有遠  
 近治有輕重參政今年高氣弱上熱雖盛豈敢用寒涼之  
 劑損其脾胃經云熱則砭之又云高巔之上射而取之余  
 以三稜針約二十處刺之其血紫黑如露珠之狀少頃頭  
 目便覺清利諸症悉減遂處方云眼黑頭旋虛風內作非  
 天麻不能除天麻苗謂之定風草此草獨不為風所搖故  
 以為君偏頭痛者乃少陽也非柴胡黃芩酒製不能治黃  
 連苦寒酒炒以治上熱又為因用故以為臣橘皮苦辛溫  
 炙甘草甘溫補中益氣為佐生薑半夏辛溫能治風痰痰

苓甘草利小便導濕熱引而下行故以為使服之數劑  
 氣平生氣復而安矣

天麻半夏湯治風痰內作胸膈不利頭旋眼黑兀兀欲吐  
 上熱下寒不得安臥

- 天麻 半夏各乙 橘皮去白 柴胡分七
- 黃芩酒浸 甘草炙 白茯苓去皮 前胡各五分
- 黃連三分

右咬咀作一服水二鍾薑二片煎至一鍾溫服食後忌  
 酒麪生冷物

垣羌活湯治風熱壅盛上攻頭目昏眩

- 羌活 防風 黃芩各乙兩 柴胡錢七
- 黃連酒煮 黃柏酒炒 瓜蒌酒洗 甘草炙
- 白茯苓錢五 澤瀉錢六



右為籩末每服五錢水煎服清食後或先臥通口熱服之日二服

右苦寒瀉風木

外感風邪眩

靈筋骨血氣之精而與脉并為目系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則引目系急目系急則目眩以轉矣大惑篇

困治一切頭旋本因體虛風邪乘於陽明經上注頭面遂入於腦亦因痰水在於胸膈上犯大寒使陽氣不行痰水結聚上衝於頭目令頭轉旋羚羊角散

羚羊角

茯神名一兩

芎藭

防風

白芷

半夏

湯洗七次各半兩

枳殼

附子各一分

甘藷三錢

右為籩末每服四錢水一鍾半生薑五分慢火煎七分去查不拘時候溫服

百一都梁九治風吹項背頭目昏黑眩痛

香白芷

大塊者用沸湯泡洗四五次焙乾

右為末煉蜜為丸如彈子大每服一丸細嚼用荆芥湯點茶下

無大豆紫湯治中風頭眩惡風自吐冷水有汗方見虛門

聖治風頭旋用蟬殼二兩微炒為末非時下溫酒一鍾七上虛眩針經胃風篇云上虛則眩又五臟生成篇云狗蒙招尤目

眩耳聾下實上虛蓋蒙昏冒也招搖掉也頭黑眩也皆謂昏冒搖掉眼黑眩屬下實上虛也

丹陳客婦人近五十頭痛麻木眩運脉甚虛宜補氣益血去風行濕



天麻酒乙

人參錢半

白朮錢二

黃芩錢半

歸身尾酒半

川芎錢半

陳皮錢半

甘草錢三

黃芪錢三

半夏錢五

生薑錢三

右作一劑水煎服

賈舅因勞役眼眩倦怠頭不爽肚帶澹滑

黃芪錢半

人參錢半

當歸錢一

黃栢炒三

白朮酒一錢

陳皮錢半

蔓荊子錢五

甘草錢三

煎稍熟飲之丑卯時各一次去枕眠少時巳申時又各

一次瘥

男子因作勞成病發熱脚酸口苦頭暈

白朮

茯苓

黃連

川芎兩半

白芍藥

人參

生地

陳皮

當歸各一兩

甘草錢一

杜仲炒六兩

分十八貼食前熱下井青丸二十二粒

丈夫患熱頭眩脉大而散此是辛苦中來

陳皮錢三

柴胡錢三

人參錢二

白朮錢二

黃芪錢三

木通錢一

甘草些

分三貼服

本治風眩頭暈川芎散

山茱萸兩一

山藥

甘菊花

人參

川芎各半兩

茯神兩半

為末每服二錢酒調下不拘時候日三服不可悞用野

菊花

血虛眩

因芎歸湯治產後去血過多眩暈不省及傷胎去血多

崩中去血多金瘡去血多拔牙齒去血多不止懸虛心煩

補虛眩

眩暈頭重目暗舉頭欲倒方見婦人眩不得治痰為主挾補氣藥

火治痰

丹頭眩屬氣虛挾痰無痰作眩不得治痰為主挾補氣藥



并降火藥濕痰多者用二陳湯 痰多因火動者二陳湯  
加酒苓眩運火動甚痰二陳湯加黃芩蒼朮羌活散風行  
濕 水煮金花丸治頭眩方見痰飲

丹眩運不可當者大黃三次酒炒乾為末茶調下每服一  
錢至二錢 一男子年七十九歲頭目昏眩而重手足無  
力吐痰口口相續左手脉散大而緩右手緩而脉大不及  
於左重按皆無力飲食畧減而微渴大便三四日一行衆  
人皆與風藥至春深必死予曰此皆大虛證當以補藥作  
大劑服之衆怒而去余教用人參黃芪當歸身芍藥白朮  
陳皮濃煎作湯使下連栢九三十粒如此者服一年半而  
精力如少壯時連栢九冬加乾薑少許餘三時皆依本法  
連栢皆薑汁炒為細末又以薑汁煮糊為丸  
本治虛風頭旋吐痰涎不已養正丹

黑品

水銀

硫黃

硃砂各一兩

右用鐵盞一隻火上溶鉛成汁次下水銀用杵杖子打  
勻取下放少時下二味末令冷研為粉用米飲丸或用  
棗肉丸如梧子大每服三十丸鹽湯下  
此藥升降陰陽補接真氣非止頭旋而已

虛者宜  
補中

垣范天駭之內素有脾胃之病時顯煩躁胃中不利大便  
不通初冬出外而晚歸為寒氣怫鬱悶亂大作火不得伸  
故也醫疑有熱治以疎風丸大便行而病不減又疑藥力  
少復加七八十九丸下兩行前症仍不減復添吐逆食不能  
停痰唾稠粘湧出不止眼黑頭旋惡心煩悶氣短促上喘  
無力不欲言心神顛倒兀兀不止目不敢開如在風雲中  
頭苦痛如裂身重如山四肢厥冷不得安臥予謂前症乃  
胃氣已損復下兩次則重損其胃而痰厥頭痛作矣製半



夏白朮天麻湯治之而愈

天麻分五

半夏湯洗一錢半

人參分五

白朮錢一

蒼朮分五

橘皮

黃芪

澤瀉

白茯苓各五

神麴一錢炒

大麥蘖一錢半

乾薑分三

黃柏分二

右件咬咀每服半兩水二盞煎至一盞去查帶熱服食

前此頭痛苦甚謂之足太陰痰厥頭疼非半夏不能療

眼黑頭旋風虛內作非天麻不能除其苗為定風草亦

治內風之神藥也內風者虛風是也黃芪甘溫瀉火補

元氣人參甘溫瀉火補中益氣二朮俱甘苦溫除濕補

中益氣澤瀉茯苓利小便導濕橘皮苦溫益氣調中升

陽神麴消食蕩胃中滯氣大麥蘖寬中助胃氣乾薑守

熱以條中寒黃柏苦大寒酒洗以主冬天少火在發

右件症挾痰眩暈余嘗治一人臥則稍輕但舉足則頭

旋眼黑以天麻半夏茯苓陳皮白附僵蚕參芪草歸生

薑黃芩煎湯服之五六日愈蓋倣此方加減之也

濟芎朮湯治胃中濕痰眩暈嘔逆頭重不食

川芎

半夏酒洗

白朮各一兩

甘草各半兩

右咬咀每服四錢水一盞生薑七片煎服不拘時有附

子持心無半夏

巖旋覆花湯治中脘伏痰嘔逆眩暈

旋覆花

半夏

橘紅

乾薑各一兩

枳榔

人參

甘草

白朮各半兩

右剉碎每服一兩薑水煎服

仲卒嘔吐心下痞膈間有水眩悸者半夏加茯苓湯主之

悸者兼行小



之 痧閉不  
出者吐

方見 假令瘦人臍下有悸吐涎沫而頭眩此水也五苓  
散主之方見傷寒

子和青黛散搐鼻取涎治眩神效方見頭痛

頭風眩運可用獨聖散吐之吐訖可用清上辛涼之藥防  
風通聖散加半夏等味仲景云此痰結胸中而致也通聖散見

獨聖散

瓜蒂不以多少 鬱金各等分

右為細末每服一錢或二錢薑汁調下服之用鷄翎探

吐

大小便  
滯者微  
利之

河間搜風丸治邪氣上逆風熱上攻頭目眩運大小便結  
滯

人參 茯苓各半兩 滑石二兩 藿香二錢

白朮生各一兩 蛤粉二兩 南星

大黃 黃芩各二兩 牽牛四兩 薄荷半兩

半夏一兩 寒水石一兩

右為末滴水丸小豆大每十九生薑湯下加至二十九

日三服

仲白朮附子湯治風虛頭重眩甚極不知食味暖肌補中  
益精氣

白朮二兩 附子一兩半 甘草一兩

右三味剉每五錢薑五片棗一枚水鍾半煎至七分去

查溫服

治體虛有風外受虛濕身如在空中二生散

生附子去皮 生南星各等分

右二味咬咀每服四大錢水一鍾生薑十片慢火煎至

體虛有  
寒者溫  
之



八分去查服戊午年予在新安有此疾名醫傳授此方  
三服愈

倚息形  
腫者利

仲心下有支飲其人苦冒眩澤瀉白朮主之  
短氣倚息形如腫為支飲

濕

用澤瀉五兩白朮二兩以水二升煮一升分溫再服

運氣眩有二  
一曰風助肝盛眩經云厥陰司天之政風行太虛雲物搖

動目轉耳鳴三之氣風乃時舉民病掉眩又云厥陰司天

客勝則耳鳴掉眩又云厥陰之勝耳鳴頭眩又云厥陰之

復筋骨掉眩治以諸涼是也

二曰濕邪傷腎眩經云太陰司天濕淫所勝頭項腰痛

而眩治以苦熱是也

雜方

河神妙散搗臯治頭目昏眩偏正頭痛  
方見頭

腦為髓之海其輪上在於其蓋下在風府髓海不足則腦

轉耳鳴  
上文見針灸蓋者百會穴也

上氣不心頭為之苦傾目為之眩補足外踝下雷之  
全文見

之  
針灸

怪穴 頭目眩運 至陰

標 金門 申脉

桑 風池 神庭  
內風池通玄同 金門 瀉 三里 補

心頭暈怕寒些少風寒則目暗疆什不分冬夏常用綿帽

包日夜不離一去帽即發 百會 惺惺  
乙分恐 風池

頭大熱 豐隆  
二寸 桑頭熱 上顛 風門 攢竹 百會

甲風眩善嘔煩滿神庭主之如顏色青者上星主之取上

星者先取諱諱後取天牖風池如頭痛顏青者顛會主之



風眩引頷痛上星主之先取譙譙後取天牖風池 風眩目瞑惡風寒面赤腫前項主之 風眩目眩顛上痛後項主之 風眩驚手腕痛泄風汗出至腰陽谷主之 腦風目瞑頭痛風眩目痛腦空主之 風逆暴四肢腫濕則唏然寒飢則煩心飽則眩大都主之 頭眩目痛至陰主之

診

丹左手脉數熱多 脉澁有死血 右手脉實痰積 脉大必有久病

癩癩

癩癩即頭眩也痰在膈間則眩微不吐痰溢膈上則眩甚仆倒於地而不知人名之曰癩癩徐嗣伯云大人曰癩小兒曰癩其實一疾也然與中風中寒中暑尸厥等仆倒不同凡癩癩仆時口中作聲將省時吐涎沫省後又復發時作時止而不休息中風中寒中暑尸厥之類則仆時無聲省時無涎沫者後不復再發間有發者亦如癩癩之常法也

大法

丹癩屬驚與痰宜吐 大率行痰為主 黃芩 黃連

瓜蒌 半夏 南星 尋火尋痰分多少治之無有不愈

分痰與熱有熱以涼藥清其心 有痰必用吐藥吐後用東垣安神丸 此證必用吐吐後用平肝之藥青黛柴

胡川芎之類

海治長洪伏三脉風癩驚癩發狂惡火與火者灸第二椎第九椎服局方妙香丸以針穿一眼子透冷水內浸少時服之如本方若治弦細緩三脉諸癩似狂者李河南五生

丸 妙香丸方 見虛煩條

止瀉

氣亂于頭則為厥逆頭重眩仆 今文見 邪搏陽則為癩



疾

見診法下同針經九針云邪入於陽轉為癲疾

厥成爲癲疾

厥氣上逆也

素帝曰人生而有病癲疾者病名曰何安所得之岐伯曰病名爲胎病此得之在母腹中時其母有所大驚氣上而

不下精氣并居故令子發爲癲疾

奇病論

凡癲癇及中風中寒中暑中濕氣厥尸厥而昏眩倒仆不省人事者皆由邪氣逆上陽分而亂於頭中也癲癇者痰邪逆上也中風寒暑濕及氣厥尸厥者亦由寒暑濕等邪氣逆上也邪氣逆上則頭中氣亂頭中氣亂則脉道閉塞孔竅不通故耳不聞聲目不識人而昏眩無知仆倒於地也以其病在頭顛故曰癲疾治之者或吐痰而就高越之或鎮墜痰而從高抑之或內消痰邪使氣不逆或隨風寒暑濕之法用輕劑發散上焦或針灸頭中脉絡而導其氣皆可使頭顛脉道流通孔竅開發而不致昏眩也是知

高者因而越之

癲之癲與厥成癲疾眩冒癲疾之顛一疾也王太僕誤分癲爲二疾獨孫真人始能一之今特冠此氣亂頭顛等經文於癲癇篇首使人知疾有所歸而治有所據也

局碧霞丹治五癲疾

方見虛實門

世治暗風天麻南星半夏僵蚕白附子防風各半兩白礬二兩用木瓜一箇切去頂取穰納前藥末用原頂覆住麩包煨熟就搗如泥爲丸又用皂角二寸敲細酒半盞浸一宿如發時取前藥一十九粒納口中用酒灌下取出痰即愈自省後日服三十粒薑湯下

治風癲及心風病用皂角三挺搥破濾汁熬如稀糊攤紙上晒乾取兩葉如小錢大用溫漿水浸洗去紙注於兩鼻孔各一蜆殼許須臾涎下咬筋盡涎後服祛痰丸

上者抑之行之

代赭石

一兩

白礬

二兩



右為細末稀糊為丸如梧子大每服二十九丸冷水送下不拘時

仲風引湯治癩疾瘰癧方見後

無礬丹丸治五癩百癩無問陰陽冷熱

號丹

晉礬各一兩

右用磚鑿一窠可容二兩許先安丹在下次安礬在上以炭五斤熾令炭盡取出細研以不經水猪心血為丸如菴荳大每服十九至二十九丸橘皮湯下

心血少者蓋之

世治暗風遠年日久不愈皆可服用地黃廣南道地者不計多少火煨醋焯七次為細末每服二錢温酒調下年深者亦治

羅參硃丸治風癩大有神效

人參

蛤粉

硃砂各等分

右用田木縱猪心血為丸如梧子大每服二十九丸

花湯食遠服

神應丹治諸癩用好辰砂不拘多少為細末用猪心血和之得所以蒸餅裹蒸取出就熟丸如梧子大每服一九食遠臥時煎人參湯下大有神效

琥珀壽星丸

天南星一斤 檳榔二尺 炭五斤 服熟取出炭用好酒一升 將南星趁熱下坑用盆蓋

訖合過一宿取出再焙乾為末 琥珀四兩 硃砂二兩 一半入藥

猪心三箇取血另打生薑麪糊攪令稠粘將猪心血和入藥末丸如梧子大每服五十九煎人參湯空心送下

日進三服

痰迷心竅者開之

世蜜陀僧散治暗風取蜜陀僧成塊者以鐵線纏又用鐵線懸掛火煨紅用酒醋一升焯盡出火毒研極細每服一

可許 俗語



錢麝香酒調下 治癩疾凌霄花一味為細末每三錢空心酒調服每服藥時以木梳不住手梳其髮又用冷水一碗逐口含之水温則換水盡住梳如此四十九日永絕其根

楊氏家藏五癩丸治癩癩發作不問新久並宜服之

天南星泡一兩 烏蛇肉酒浸一宿去皮骨焙一兩 硃砂二錢半另研

全蝎二錢去毒炒 半夏二兩酒洗焙 雄黃一錢半分研 蜈蚣半條去頭足炙

白附子半兩泡 白僵蠶一兩半炒去絲 麝香三錢另研

白礬一兩 皂角四兩匙碎水半升揉汁与白礬同熬乾研

右為末薑汁煮麪糊丸如梧子大每服三十九薑湯下

丹治癩疾

川芎二兩 防風 猪牙皂角 鬱金

明礬各一兩 蜈蚣一條

末蒸餅丸如梧子大空心清茶下十五丸一日除根

羅治癩病心風病用天南星九蒸九曝為末生薑汁打糊為丸如梧子大每服二十九煎人參麥門冬薑蒲湯下亦可

風木

春脉者肝也春脉太過為病在外善怒忽也眩冒而癩疾全文見治法脉來弦大而強為太過 歲木太過甚則忽也善怒眩冒而癩疾全文見連類註

丹治巡檢夫人癩通聖散二錢半薑三片煎下犀角丸三十粒

保防風通聖散

防風 川芎 當歸 芍藥

大黃 芒硝 連翹 薄荷



麻黃不去節 各五錢 桔梗 黃芩 石膏各一  
 白朮 山梔 荆芥穗各二錢半 滑石兩三

甘草兩

右為麤末每服一兩生薑煎溫服日再服

若勞汗當風寒薄為酸鬱乃痲此勞汗出於玄府脂液所凝去芒硝倍加芍藥當歸癸散玄府之風當調其榮衛 俗云風刺或生癢疹或赤或白倍加麻黃鹽豉芎白出其汗麻黃去節亦去芒硝以鹹走血而內凝故不用之發汗罷依前方中加四物湯黃連解毒三藥合而飲之日二服故內經曰以苦發之為熱在肌表連內也小便淋閉去麻黃加滑石連翹煎藥中調木香末一錢七麻黃主於表而不主於裏故去之 腰脇走注及痛者加硝石當歸甘草一服各二錢調車前子末如

酸類注粉刺  
 痲注 小癩

夫一錢故經曰腰者腎之府 破傷風者如在表則辛以散之在裏則苦以下之兼散之汗下後通利榮血祛逐風邪每一兩加荆芥穗大黃各二錢調全蝎末一錢羌活末一錢 諸風癩搐小兒急慢驚風大便秘結邪熱暴甚腸胃乾燥寢汗咬牙上竄睡語筋轉驚悸肌肉蠕動每一兩加大黃二錢梔子二錢茯苓末二錢七如肌肉蠕動者調羌活末一錢經曰肌肉蠕動命曰微風 風傷於肺咳嗽喘急者每一兩加半夏桔梗紫苑各二錢 如打撲傷損肢節疼痛腹中惡血不下每一兩加當歸大黃各三錢半調沒藥乳香末各二錢 解利四時傷寒內外所傷每一兩加益元散一兩芎白十莖鹽豉一合生薑半兩水一碗同煎至五七沸或煎一小碗溫冷服一半以筋投之即吐吐罷後服一半稍熱



服汗出立解 如飲酒中風身熱頭痛如破者加黃連  
鬚二錢芩白十莖依法立愈慎勿用桂枝麻黃湯解之  
頭旋腦熱鼻塞濁涕時下每一兩加黃連薄荷各二錢  
半內經曰膽移熱於腦則辛頰鼻淵者濁涕下不  
已王註曰膽液不澄則為濁涕不已如水泉者故曰鼻  
淵也此為足太陽脉與陽明脉俱盛也如氣逆者調木  
香末一錢

脉滿大為熱

素心脉滿大癩瘕筋攣

仲風引湯除熱癩瘕又治大人風引少小驚癩瘕瘖日數

十發醫所不療又治脚風

大黃

龍骨

乾薑各四兩

桂枝三兩

甘草

牡礪各二兩

寒水石

滑石

赤石脂

白石脂

紫石英

石膏各六兩

右十二味杵麤末篩以青囊盛之取三指撮并花水三

升煮三沸温服一升治風熱瘕食後量多

河犀角丸治風癩瘕發作有時揚手擲足口吐痰涎不省

人事暗倒屈伸

犀角末兩半

赤石脂兩三

朴硝兩二

白僵蚕兩一

薄荷葉兩一

右為末麪糊丸如梧子大每服二十九至三十九温水

下日三服不拘時候如覺痰多即減數忌油膩炙博

龍腦安神丸治男婦五種癩瘕無問遠年近日發作無時

茯苓去皮取三兩人參去蘆

地骨皮

甘草

麥門冬去心各二兩

龍腦三錢另研

牛黃半兩

硃砂二錢飛

桑白皮兩一

馬牙硝二錢另研麝香三錢另研

烏犀角末兩一金薄三十片



脾小急為寒

右十三味煉蜜為丸如彈子大金薄為衣冬月溫水化下夏月涼水又治虛勞發熱咳嗽語澁舌強日進三服

**靈**肝脉小急癰瘕筋攣王註云肝養筋藏血肝氣受寒故癰瘕筋攣二陰急為癰厥上肺脉急甚為癰疾腎脉急甚為骨癰疾視

法虛實羅沉香天麻湯治癰瘕癱筋攣方見小兒門珠子辰砂丹治風癰久不愈者

薯蕷 人參 遠志 防風

紫石英 茯神 虎骨 虎睛

龍腦 五味子 石菖蒲 丹參

細辛各二錢半 珠子末錢四

右件為細末麩糊為丸如梧子大用硃砂二錢研細為衣每服三十五丸煎金銀花湯送下日進三服忌魚肉

濕麩動風之物

烏頭丸治五風癰病

川烏 草烏 天仙子 五靈脂各二兩

黑荳升一

右為細末滴水丸如梧子大每服五七丸溫水下如中風加附子半兩

實

子和昔項開完顏氏病搐先右臂并右足約搐六七十數良久左臂并左足亦搐六七十數不瘥兩目直視昏瞶不識人幾月餘求治於余先涌其寒痰三四升次用導水禹功散泄二十餘行次服通聖散辛涼之劑不數日而瘥

羅法煮草麻子治諸癰病不問年深日遠

草麻子去皮取仁二兩 黃連去鬚剉如荳大一兩

右件用銀器水一大碗慢火熬水盡即添水熬三日兩



夜為度取出去黃連只用草麻子仁風乾不得見日用  
竹刀將草麻子每粒切作四塊每次服五粒計二十塊  
作一服用荆芥湯食後溫服服草麻仁者終身忌食  
豈犯之則腹脹而死

虛

丹治一婦人四十五歲生子多觸胎時有腹痛每夜喜飲

酒三盞即睡其夫性暴而諧謹所以借酒解怒忽九月望  
後癩病大作目上視揚手擲足甚強健舉體大筋皆動喉  
嚮如鋸涎沫流口兩角如此一時辰許諸症皆靜狀如熟  
寢全不知人半時小腹漸痛上至心痛大作汗如雨自頭  
至乳而止如此半時痛漸汗亦收痛作時却自言其痛  
其餘言語皆謬誤問亦不答亦不知人又熟寢如前  
癩與痛間作晝夜不息經兩宿方召予診之痛作時脉四  
至半似弦非弦左弱於右予未敢與藥候癩作時再看形  
脉後作時六脉皆隱但有筋轉於指下眼白青而面不

青手之動三倍於足予問之痛作時必欲重按比癩作時  
汗必不出其夫言果然予曰此非死證若尚能嚙藥則易  
治試以調香附子末灌之適癩勢稍定却嚙得半盞今急  
燒竹瀝未就時痛大作余以肝有怒邪因血少而氣獨行  
所以脾受病肺胃之間舊有酒痰為肝氣所抑鬱而為痛  
然酒喜動可以出入升降入內則痛出外則癩當乘其入  
內之時急為點灸敦行間中腕三處穴令分頭同時下火  
灸之足上艾火少灸先了腹上痛漸下至腰而止熟寢少  
時癩作如前證減半又以竹瀝入少薑汁灌下大半鍾灌  
時適值癩定但熟寐如前自是不省人事一晝二夜皆已  
棄之余曉之曰身不發熱因痛則汗出大便不通者五六  
日自予來亦未見其小水非死症當是血少無神而昏耳  
爾為痛搯人中俄而呻吟急以人參湯同竹瀝灌之又昏



睡如前余教以作人參白朮膏入竹瀝調下如此二晝夜  
凡用人參一斤白朮二斤眼忽能開手能舉自言曾膈滿  
而舉身皆痛耳目仍未有聞見忽自溺床甚多余聞之甚  
喜且得癰與痛皆不作但教令用陳皮芍藥甘草川芎湯  
調參朮膏又加竹瀝飲之余欲往他處且與脉之聞其作  
聲余自知謬拙不教以粥與藥間服急令作稀粥與之止  
嚥得三四匙牙禁不受余遂以木楔幹開以稀粥入藥湯  
又與竹瀝同灌一大鍾蓋是粥多而藥居三之一予遂出  
門教令粥藥相間與之予在二十里外未申間天大風作  
予料此婦癰必作特往視之癰不作而痛作脉去來急無  
次急為灸然谷太衝巨闕灸罷痛定問其要粥否答曰我  
正飢其夫飲之以粥嚥兩鍾予乃往他處仍教以藥湯調  
參朮膏竹瀝與粥間與之如前第二夜半時召予甚急往

視之癰病大作奪手不能診脉令人扶定兩時予捉  
指強而脉之四至半麓大有力左右同而右小緩口妄言  
而無次又怒罵人眼上視不瞬而嘔又欲起走其狀若有  
所憑然予捉定兩手為灸兩大指背半甲半肉際各三壯  
怒狀稍殺求免索燭視之耳目仍未有聞見昏寐至夜半  
狂怒大作且言鬼怪之事而師巫至大罵巫者予靜思之  
氣因血虛亦從而虛邪因入理或有之且與補藥血氣若  
克邪當自退仍與前藥又恐痰頑佐以荆瀝又以秦承祖  
灸鬼法灸之哀告我自去昏睡一晝夜忽自起坐索粥其  
夫與之方問夫你面垢如許惟床上有香氣繼又無所知  
識惟開眼不睡手足雖能運動却作尋摸態如此又二晝  
夜粥食稍加又溺床多如前予益喜仍守前藥予又往他  
處次日晚忽來召予急往視之病人自言渾身皆痛脉之



皆五至左右均而和曰參朮膏俱盡遂教令就與前藥中  
加參朮煎去荆瀝加香附末與一服覺甚快余且令守此  
藥至次夜半又來告急曰前痛大作往視之坐桶上叫聲  
甚高予思之此虛病亦多汗腸燥而糞難耳痛當在小腹  
與腰急烘琥珀膏大者貼小腹仍教以熱手摩腰腎間連  
得下氣而痛減就睡少時又起如是者五六次一醫者勸  
令用通利藥予曰痛與死孰為輕重且堅忍至夜半後當  
自通又往他處至四更來告急往視之痛大作予令坐以  
溫湯中當自下換湯痛定覺甚快第二桶湯下結糞二塊  
就睡天明一往他處至晚又告急于視痛大作連及兩  
脇手不可近予思之此痛無因若結糞未盡痛當在下今  
痛在上必因食多問之果然醫者欲用感應丸予教勿與  
粥藥病者力索藥遂以香附末令舐之至夜半痛漸大

明覺暑飢索粥予曰非飢也乃嘈耳勿與而自安其家又  
自與粥至辰巳間予往他處至晚痛又作而病者索香附  
末不已遂以湯調半碗與之探令吐猶有宿食痛遂止予  
又往他處至夜半又告痛復作詢之以醋拌蘿蔔苗吃粥  
又以香附末探吐之痛定教令一晝夜勿與食至次日少  
與淡粥覺飢時以陳皮湯下白朮丸如此調理自安  
痰癩癩治法並見上虛條

久瀉為  
痰積  
潔治風癩病久不能愈者從厚朴丸春秋加添外又於每  
一料中加入參芎蒲茯苓各一兩五錢和劑服之厚朴丸  
方見潘

陰陽

垣升陽湯治陽躄癱足太陽下行宜升陽氣

麻黃入錢不羌活半一兩 防風根錢八 炙甘草錢五

右咬咀每服三錢水五大盞煎至一盞去查稍熱服宿



食消盡腹中空服之後避風寒一二時辰乃效

灑晝發治陽蹻申脉二穴在足外踝下陷中容爪甲白肉際是也夜發治陰蹻照海二穴在足內踝下陷中是也先灸兩蹻各二七壯然後服前藥

于治百病風癩用麻仁四升水六升猛火煮令芽生去查煎取七合旦空心服或發或不發或多狂語勿恠之但令人摩手足須臾即定凡進三劑無不愈

羅神應丹治諸風心癩病

狐肝一具

烏鴉一隻

鴟梟一箇

白礬兩

野狸一箇去肝腸不用皮毛用新瓦罐盛肉以炭火煮爛

生犀角末

右為末用酒打麩糊為丸如皂子大硃砂為衣每服一丸酒送下不拘時候

楊氏蝎虎治癩法見小兒驚癩門妙

針灸

氣亂於頭則為厥逆頭重眩仆取之天柱天杼不知取

陽榮輸於此義同 癩疾始生先不樂頭重痛視舉目赤甚作極已而煩心候之于顏取手太陽陽明太陰血變而止 癩疾始作而引

口啼呼喘悸者候之手陽明太陽左強者攻其右右強者攻其左血變而止 癩疾始作先反僵因而脊痛乃候之

太陽陽明太陰手太陰血變而止俱出癩

玉癩凡灸癩必先下之乃可灸不鳩尾針但宜灸亦不

可多壯多則令人健忘

通後谿

集鳩尾 湧泉 心膻

桑陽交 三里 後谿 太衝 間使



摘風癰熱病心風驚癰 上腕 三里

桑天吊 巨闕 百會 顛門

東癰 平旦發者足少陽 晨朝發者足厥陰 日中發

者足太陽 黃昏發者足太陰 人定發者足陽明 半

夜發者足少陰 心癰面赤心下熱短氣喘息 巨缺 灸

壯 肝癰面青反視手足搖動 丘墟 中封 脾

癰面黃腹大善利 胃腕并腕傍一寸各三壯 衝陽

隱白 肺癰面白口吐沫 肺膺 少商 少陽 各三

腎癰面黑正直視身不搖如尸厥 金戶 少海 至陰

湧泉 各三壯 膈癰四肢不舉 風府 各一壯 百會

人中 承漿 各隨年灸 腸癰都無動靜如尸厥狀 承山

湧泉 勞宮 翳風 各隨年壯 入一分

馬頭馬鳴欲反折 風府 各二壯 刺一分 神門

牛癰目直視腹滿 鳩尾尖 壯 大椎 壯

羊癰揚目吐舌 大椎 壯 浮白 壯 刺

猪癰吐濁沫口動搖 浮白 壯 刺 絲竹空

犬癰手屈拳攣 勞宮 壯 刺 助戶 各一

鷄癰搖頭反折善驚目搖 至陰 竅陰 厲兌 壯 刺 各一

分 甲癰疾多言耳鳴目僻頰腫實則聾齟喉痺不能言齒痛

鼻軌衄虛則痺膈偏歷主之 癰疾吐舌鼓頷狂言見鬼

溫溜上之 腕後 癰疾吐舌曲池主之 癰疾互引僵仆

申脉主之先取陰蹻後取京骨 癰疾狂妄行振寒京骨

主之 癰疾身痛狂善行束骨主之 癰疾僵仆轉筋僕

參主之 癰疾目眈眈軌衄崑崙主之 狂癰疾體痛飛

揚主之 癰疾反折委中主之 癰疾憎風而振寒不得

...



言得寒益甚身熱狂走欲自殺目反妄見瘈瘲泣出死不  
 知人肺膈主之 癲狂膈膈及肝膈主之 癲疾僵仆目  
 妄見恍惚不樂狂走瘈瘲絡都主之 癲疾互引反折戴  
 眼及眩狂走不得臥心中煩攢竹主之 癲疾發寒熱大  
 煩滿悲泣出解谿主之 癲疾互引口喎喘悸者大迎主  
 之取手陽明太陰變血而止 癲疾狂多食喜笑不發於  
 外煩心渴商丘主之 癲疾嘔沫神庭及兌端承漿主之  
 其不嘔沫本神及百會後頂玉枕天衝大杼曲骨尺澤陽  
 谿外丘當上腕傍五分通谷金門承筋合陽主之 委中而  
 陽一癲疾互引水溝及斷交主之 癲疾上星主之先取  
 噫嘻後取天牖風池 癲疾嘔沫暫起僵仆惡見風中  
 赤腫顛會主之 癲疾瘈瘲狂走頸項痛後項主之  
 會後一分 癲疾狂走瘈瘲搖頭口喎戾頸強強關主之

癲疾骨疼眩狂瘈瘲口噤羊鳴刺腦戶 狂易多言不休  
 及狂走欲自殺目反妄見刺風府 癲疾怒欲殺人身柱  
 主之 狂走癲疾昏急強目轉上插筋輸主之 癲疾發  
 如狂走者面皮厚敦敦不治虛則頭重洞泄淋瀝大小便  
 難腰尻重難起居長強主之 寒厥癲疾噤呵瘈瘲驚狂  
 陽交主之 癲疾大瘦腦空主之 癲疾僵仆狂虛腕骨  
 及風池主之 癲疾狂瘈瘲眩仆瘖不能言羊鳴沫出聽  
 宮主之 癲狂煩滿刺絲竹空 癲疾吐舌沫出羊鳴戾  
 頸天井主之 天井在肘後 癲疾氣短嘔血胸背痛行間主之  
 癲厥癲疾洞泄然谷主之 癲狂互引天柱主之  
 右針灸癲法內經但取手足太陽陽明太陰六經而已  
 今甲乙經等書又多取督經手足太陽足少陰厥陰蓋  
 隨症取之然學者當以內經為主也



診

靈骨癩疾者顛齒諸腠分肉皆滿而骨居汗出煩悞嘔多

沃沫氣下泄不治顛若感切○骨居汗出筋癩疾者身

倦攣急大刺項大經之大杼嘔多沃沫氣下泄不治脉

顛疾者暴什四肢之脉皆脹而縱脉滿盡刺之出血不滿

灸之挾項太陽灸帶脉于腰相去三寸諸分肉本輪嘔多

沃沫氣下泄不治 癩疾者疾發如狂者死不治 治癩

疾者嘗與之居察其所當取之處病至視之有過者瀉之

置其血於瓠壺之中至其發時血獨動矣不動灸窮骨二

十壯窮骨者骹骨也俱出癩疾篇

來疾去徐上實下虛為厥癩疾全文見治虛實法

癩疾脉搏大滑久自已脉小堅急死不治通評虛實論 癩

疾脉虛則可治實則死同

脉癩疾脉實堅者生脉沉細小者死此見與內經同詳之當以內

子癩

風熱

雲葛根湯治妊娠臨月因發風瘧忽悶瞶不識人吐逆眩

倒名曰子癩

葛根

貝母去心

牡丹皮

防風

當歸

川芎

白茯苓

桂心

澤瀉

甘草各二兩

獨活

石膏

人參各三兩

右咬咀以水九升煮取三升分温二服貝母令人易產

未臨月升麻代之

丹治一婦人懷妊六月發癩手足揚直面紫黑色合眼涎

出昏瞶不省人事半時而醒醫與震靈丹五十餘貼其疾

時作時止無減症直至臨產方自愈產一女葶中子母皆

安次年其夫疑丹毒必作求治之診其脉浮取弦重取瀼



按至骨則沉實帶數時正二月因未見其癩發正狀未敢  
與藥意其舊年癩發時乃五月欲待其時度此疾必作當  
審諦施治至五月半其疾果作皆是午巳兩時遂教以自  
製防風通聖散用生甘草加桃仁多紅花少或服或吐至  
四五劑疾漸疎而輕發為疥而愈

大治子癩用硝砂末酒調下二錢

詳見安胎

癩

勞風

胎前癩

產後癩

大法補虛

癩病者口噤角弓反張者是也

凡癩大率與癩病相似比癩為虛宜帶補多是氣虛有火  
兼痰宜服人參竹瀝之類不用兼風藥

無此症多由亡血筋無所營故邪得以襲之所以傷寒汗  
下過多與夫病瘡人及產後致斯病者槩可見矣

州一男子二十餘歲患痘瘡醫謝後忽患口噤不

強直不能屈時或遶臍腹痛一陣則冷汗如雨痛定則汗  
止時作時止其脉極弦緊而急如真弦狀向知此子極勤  
苦意其因勞倦傷血山居多風寒乘虛而感又因痘瘡其  
血愈虛當用辛溫養血辛涼散風遂以當歸身芍藥為君  
川芎青皮釣藤為臣白朮陳皮甘草為佐桂枝木香黃連  
為使更加紅花少許煎十二貼而安

海神木加羌活麻黃湯治剛癩解利無汗

神木方見傷寒太陰

白朮加桂心黃芪白朮湯治柔癩解利有汗

白朮方見傷寒太陽

太陽陽明加川芎 荆芥穗 正陽陽明加羌活 酒大

黃 少陽陽明加防風 柴胡根

熱而在表者加黃芩 寒而在表者加桂枝黃芪附子

熱而在裏者加大黃 寒而在裏者加乾薑良薑附子

已上數經寒熱當以脉別之



表瘧屋  
太陽

防風當歸散

防風

當歸

川芎

地黄各一

右剉每服一兩水三盞煎至二盞溫服

仲活人治瘧法並見後表裏陰陽條 太陽病發熱無汗而反惡寒者名曰剛瘧 太陽病發熱汗出而不惡寒者名曰柔瘧

仲葛根湯治太陽無汗而小便反少氣上衝胸口噤不得語欲作剛瘧葛根湯主之方見傷寒

若發熱無汗反惡寒者名曰剛瘧宜麻黃加獨活防風湯

麻黃

桂枝各一

芍藥

甘草半

獨活

防風各一

右剉細每服一兩水二鍾煎至一鍾半溫服

仲瓜蒌桂枝湯太陽病其症備身輿強凡凡然脉反沉

此為柔瘧海藏治有汗而為柔瘧

瓜蒌根

桂枝

甘草

生薑

大棗

芍藥

右六味以水九升煮取三升分溫三服取微汗汗不出

食頃啜粥發之

海若發熱自汗而不惡寒者名曰柔瘧宜桂枝加川芎防風湯

桂枝

芍藥

生薑

甘草

防風

川芎各一

大棗

右剉細每服一兩水三盞煎至一盞半去渣溫服

凡剛柔二瘧並可與小續命湯方見中風門但去查入生薑汁小續命

湯加減法 若柔瘧自汗者去麻黃夏間及病有熱者減

桂枝一半冬及初春去黃芩



王續命湯治卒中半身不遂手足拘急不得屈伸身體冷或智或癡或身強直不語或生或死狂言不可名狀角弓反張或欲得食或不用食大小便不利皆療之

人參

桂心

當歸

獨活

黃芩

乾薑炮

甘草各七錢半

石膏一兩半

杏仁四十枚

右九味咬咀以水九升煮取三升分溫三服日二服取

汗無汗者加麻黃

裏証屬陽明

仲剛瘥為病曾滿口噤臥不着席脚攣急必齧齒可與大

承氣方見傷寒

子和呂君玉之妻年三十餘病風搐目眩角弓反張數日

不食諸醫皆作驚風暗風風癩治之以天南星雄黃天麻

烏附用之殊無少效戴人曰諸風掉眩皆屬肝木曲

動風之用也陽主動陰主靜田火盛制金金衰不能平木

肝木茂而自病因涌風涎二二升次以寒劑下十餘行又

以排針刺百會穴出血一盃立愈

海若汗後不解乍靜乍躁目直視口噤往來寒熱脉弦者

少陽風瘥宜柴胡加防風湯

柴胡一兩

人參五錢

半夏製六錢

黃芩五錢

生薑

甘草各六錢半

防風一兩

棗三箇

右剉每服一兩水三盞煮至一盞半去渣溫服

若發汗過多發熱頭面搖卒口噤背反張者太陽蕪陽明

也宜去風養血防風當歸散主之方見本門大法條

陽瘥並見表裏條仲景雖曰瘥皆身熱足寒然屬陽不厥

逆

百一治中風身直不得屈伸反覆者取槐皮黃白者切之

陰症元汗

太陽陽明合病

半表半裏屬少陽



以酒或水六升煮取二升去查服

干倉公當歸湯治賊風口噤角弓及張瘕方

當歸

防風錢各七半

獨活一兩半

附子一枚

細辛兩半

麻黃一兩二錢半

右咬明以酒五升木三升煮取三升服一升口不開者

格口納湯一服當蘇二服小汗三服大汗

酒八物白木散治陰瘕一二日面腫手足厥冷筋脉拘急

汗不出恐陰氣內傷

白木

茯苓

五味子各半兩桂心三分

蘇黃兩半

良薑一分

羌活兩半

附子三分

右為末每服四錢水一大盞生姜五片同煎至五分去

查温服無時

海若發熱脉沉而細者附太陰也必腹痛宜桂枝加芍藥

防風防已湯 又宜小續命湯

桂枝一兩半

防風

防已各一兩

芍藥二兩

生薑一兩半

大棗六枚

右剉每服一兩水三盞煎至一盞半去查温服

陰瘕者汗

活附子散陰瘕手足厥逆筋脉拘急汗出不止頭項強直

頭搖口噤

附子一兩

白木一兩

川芎三錢

桂心三錢

獨活兩半 右為末每服三錢水一鍾棗一枚煎至五分温服

桂心白木湯治陰瘕手足厥冷筋脉拘急汗出不止

白木

防風

甘草

桂心

川芎

附子

右為末每服五錢水二鍾生薑五片棗二枚同煎至七



分去查温服

附子防風散治陰瘧閉目合面手足厥逆筋脉拘急汗出不止

白芷兩一

防風

甘草絡三

桂心兩半

附子分三

乾薑分三

柴胡兩一

茯苓分三

五味子兩一

右為末每服三錢水二盞生薑四片同煎去查温服

藏府

遍發汗太多因致瘧身熱足寒項強惡寒頭熱面腫目赤頭搖口噤背反張者太陽瘧也 若頭低視下手足牽引肘膝相構陽明瘧也 若一日或左右邪視并一手一足搐搦者少陽瘧也汗之止之和之下之各隨其經可使必已

右太陽瘧屬表無汗宜汗之有汗宜止之陽明瘧

宜下之少陽瘧屬半表半裏宜和之所謂各隨其經也

丹盧婦人因怒手足強直十指如束左脉弦虛右脉弦大而強稍堅此風木攻脾土宜速瀉肝氣助肺金補脾土之陰

黃連錢二

天南星

白朮

人參

黃芩

天麻

川芎

木通

陳皮

青皮各半

甘草分一

作一貼煎取一盞入薑汁令辣再沸熱服

肺移熱於腎傳為柔瘧全文見診

運氣瘧有三 一曰風經云厥陰在泉客勝則大關節不利內為瘧強拘急外為不便又云諸暴強直皆屬於風是也

二曰濕經云諸瘧項強皆屬於濕王註謂陽內鬱而

陽行於外是也 三曰寒包熱經云火太過曰赫羲赫羲

運氣



之紀上羽與正徵同其病瘥蓋司天之寒東火於中亦陰陽內鬱陰行於外之意也

世治角弓反張胞衣瓶內水鷲毛挑入患人口唇即愈

肘治中風身體強直不得屈伸反覆括枳樹皮細切一升

以酒二升浸一宿每日溫酒服半升酒盡再作枳實即枸櫞去風

濕除

子治口噤手足不隨而身體強直伏龍肝五升以水七升

和攪取汁飲之

診

仲病者身熱足寒頸項強急惡寒時頭熱面赤目赤獨頭

動搖卒口噤背反張者瘥病也活人書云外症發熱惡寒與傷寒相似但其脈沉遲

弦細而項背反張為異耳太陽病發汗太多因致瘥夫風病下之

則瘥復發汗必拘急夫瘥脈按之緊如弦直上下行

脈瘥家其脈伏堅直上下行

無凡瘥脈皆伏沉弦緊

仲太陽病發熱脈沉而細者名曰瘥為難治瘥病有灸

瘥難治即破傷風之類瘥病若發其汗者寒濕相搏其表益虛

即惡寒瘥病發其汗已其脈洽洽如蛇暴腹脹大者為

欲解脈如故反伏弦者瘥

靈風瘥身反折先取足太陽及膈中及血絡出血中有寒

取三里熱病篇

靈太陽所謂強上引背者陽氣太上而爭故強上也脈解篇

腎脈為病脊強反折論骨空

足少陰之筋循脊內挾脊上至項其病主癱瘓及瘥在外

者不能俛在內者不能仰故陽病者腰反折不能俛陰病

者不能仰治在燔針

甲風瘥身反折先取太陽及膈中及血絡出血瘥中有

針灸



寒取三里 痲取之陰蹻及三毛上及血絡出血 痲取  
顙會及百會又膈輸上關光明主之 痲目不眴刺腦戶  
痲脊強反折痲癱疾頭重五樞主之 痲互引善驚  
天衝主之 痲反折心痛形氣短尻腫溼小便黃閉長強  
主之 痲筋痛急互引肝輸主之 熱痲脾輸及腎輸主  
之 痲口噤互相引口乾小便赤黃或時不禁承漿主之  
痲驚互引脚如結膈如裂束骨主之 痲反折互引腹  
脹掖攣背中怏怏引脇痛內引心中脊內肺輸主之 又  
刺陽明從項而數背推俠脊脊而痛按之應手者刺之尺  
澤三疔立已

勞風 即疥之屬

虛邪 丹云痲比癩為虛蓋因勞汗遇風內挾太陽寒濕之邪治  
亦與痲同法但當視其所勞則知虛在何處如房勞則腎

虛汗出腠理開風入皮膚得寒則閉風不能出與水俱行  
其人當川下腫如臥蚕之狀戴人云腎主水其經至于目  
下故也不禁房室則死明其虛在腎也所以關於太陽何  
也太陽主寒其經最在外腠理得寒則閉故太陽先受邪  
也治宜八物白朮散倉公當歸湯 見前  
河間芎枳丸 方未 皂角化痰丸 方見咳  
胎前痲

此病多由風寒濕乘虛而感皆從太陽經治之  
活獨活防風湯 治痲太陽有汗

桂枝 兩

芍藥 兩

甘草 兩

獨活

防風 各一

右剉細每服一兩水二鍾煎至一鍾溫服

防風藟湯 治痲太陽無汗

表



葛根兩

麻黃兩

芍藥

防風兩

桂枝兩

右剉細每用一兩先煮麻黃去上沫入後藥同煎數沸  
溫服

產後瘧

千竹瀝湯 治產中風口噤面青手足急強用竹瀝一升  
分為五服微溫頻服大效

此症因虛遇風挾痰而作宜服人參竹瀝之類

虛痰產問曰產後汗出多而變瘧者何答曰產後血虛騰理不

密因遇風邪搏之故變瘧也宜速斡口灌小續命湯稍緩

解表 即汗出如雨手拭不及不可救也小續命方見前瘧條

舉鄉古拜散 治新產血虛瘧者荆芥穗不以多少瓦上

微炒為末大苳黃卷熱酒沃之去黃卷取汁調四五錢和

查飲之其效如神

于大苳紫湯 治產後中風形如角弓反張口噤涎湖黑

苳半升炒令焦黑烟起以無灰酒二升沃之入磁器中每

用一盞入獨活五錢同煎至六七分去滓溫服

按續命已下三方太陽厥陰藥也邪實脈浮弦有力者

固宜但產後血氣大虛之人不宜輕發其表但用防風

當歸散治之為妙

血虛 海防風當歸散方見前瘧條

破傷風

瘳瘳

顫振

產後瘳瘳

破傷風者因瘳熱甚鬱結而榮衛不得宣通怫熱因之遍

體故多白痂是時瘳口閉塞氣難宣通故熱甚而生風也

大法 先辨瘳口平無汁者中風也邊自出黃水者中水也並欲

作瘳急治之又痛不在瘳處者傷經絡亦死症也初覺瘳



腫起白痂身寒熱急用玉真散貼之傷在頭面急嚼杏仁和雄黃白麩傅瘡上腫漸消為度若腰脊反張四肢強直牙關口噤通身冷不知人急用蜈蚣研細末擦牙吐出涎沫立甦亦宜按摩導引

河破傷風風熱躁甚佛鬱在表而裏氣尚平者善伸數欠筋脉拘急或時惡寒或筋惕而搐脉浮數而弦也宜以辛熱治風之藥開衝結滯而愈猶傷寒表熱佛鬱而以麻黃湯辛熱發散也凡用辛熱開衝風熱結滯宜以寒藥佐之則良免致藥中病而風熱轉甚也如治傷寒發熱用麻黃桂枝加黃芩石膏知母之類是也若止以甘草滑石葱豉寒藥發散甚妙若表不已漸傳入裏裏又未太甚而脉弦小者宜以退風熱開結滯之寒藥調之或微加治風辛熱亦得猶傷寒在半表半裡而以小柴胡和解之也若裏勢

已甚而舌強口噤項背反張驚惕搐溺涎吐稠粘胸腹塞便溺秘結或時汗出脉沉洪數而弦也然汗出者由風熱鬱甚于裏而表熱稍罷則腠理疎泄而心火熱甚故汗出也法宜除風散結寒藥下之後以退風熱開結滯之寒藥調之則熱退結散而風自愈矣

皆後搐者羌活獨活防風甘草向前搐者升麻白芷獨活防風甘草兩傍搐者柴胡防風甘草右搐加滑石

解表  
河玉真散

南星

防風各等分

右為末生姜汁酒調服傷處以此貼之

羌活防風湯 治破傷風初邪傳在表

羌活

防風

川芎

藁本

當歸

芍藥

甘草

地榆



細辛各一兩

右咬咀每服五錢水二盞煎八分熱服熱則加黃芩一兩大便秘加大黃一兩

防風湯見前風條

蜈蚣散

蜈蚣對一

魚鱧五錢炒

左蟠龍半兩炒烟盡

右為細末用防風湯調服

實表

白木防風湯若服前藥已過藏府和有自汗者宜服此藥

白木

防風

黃芪各一兩

右咬咀每服七錢水二盞煎至一盞去滓溫服

虫裏

大芩黃湯臟腑秘小便赤自汗不止者宜速下之

川芎一兩

黃芩六錢

甘草半兩

大黃一兩

右咬咀每服五錢水一盞半煎至一盞去滓溫服以利

為度

江鱧丸 治破傷風驚而發搐藏府秘澁知病在裏

江鱧半兩炒

野鴿糞半兩炒

雄黃一錢

蜈蚣對一

天麻一兩

白殭蚕半兩

右為細末分作三分先用二分燒飯為丸如桐子大硃砂為衣又用一分入巴莖霜一錢同和亦以燒飯為丸

不用硃砂為衣每服硃砂為衣丸藥二十九入巴莖霜

丸藥一丸次服二丸漸加至利為度再服硃砂為衣丸

藥病愈止

和解

羌活湯 利後宜服搐瘛不已亦宜服

羌活

獨活

地榆各一兩

每服五錢水一盞半煎至一盞去滓溫服如有熱加黃

芩有痰加半夏



地榆防風散 治半表半裏頭微汗身無汗

地榆

防風

地丁香

馬齒莧各一

石為細末每服三錢溫米飲調下

虛

養血當歸地黃散日久氣血漸虛邪氣入胃宜養血四物湯加防風藁本白芷細辛各等分為細末每用五錢水一盞半煎至一盞溫服

瘵癥

病筋脉相引而急名曰瘵癥俗謂之搐是也

風火

河諸熱瘵瘵皆属于火熱勝風搏併于經絡風主動而不寧風火相乘是以熱瘵瘵生矣治法祛風滌熱之劑折其火熱瘵瘵可立愈若妄加灼艾或飲以發表之劑則死不旋腫矣

診治

素問云心脉急甚者為瘵瘵此心火虛寒也治宜補心牛

苗散主之靈樞云心脉滿大癰瘵筋攣此心火實熱也治

宜瀉心火涼驚丸主之肝脉小急亦癰瘵筋攣此肝虛也

續斷丸主之若肝脉盛者先救脾宜加減建中湯素問云

脾脉急甚者亦為瘵瘵此脾虛肝乘之而瘵也故宜實土

瀉肝木之劑

虛實 汗多不止為虛無汗能食為實

脾胃 垣人參益氣湯 治熱傷元氣四肢困倦手指麻木時時

瘵癥

黃芪二錢

甘草炙

升麻各五分

五味子三十粒

柴胡六分

生甘草五分

人參二錢

炙甘草五分

白芍藥七分

右咬咀作一服水二盞煎至一盞去查熱服

獨活湯 治風虛昏瞶不自覺知手足瘵瘵或為寒熱血



虛不能服發汗藥及中風自汗尤宜服之

獨活 羌活 人參 防風

當歸 細辛 茯神 遠志

半夏 桂心 白薇 菖蒲

川芎各五錢 甘草二錢

每服一兩水二盞生姜五片煎八分食後溫服

胃風湯 治虛風症能食麻木牙關緊急手足痠痲目肉

蠕潤胃中有風面腫

白芷二錢 升麻二錢 葛根一錢 蒼朮一錢

甘草五分 柴胡 藁本 羌活

黃柏 草薺各五分 麻黃半錢不 蔓荊子一錢

當歸身一錢

右咬咀水二鍾羊三片棗二枚煎至一鍾溫服

胃 干薯蕷丸 治虛勞不足風氣百疾頭目眩暈

薯蕷八分 當歸十分 桂心七分 神麴炒

熟地各十分 甘草二十分 人參一分 芎藭五分

芍藥 白朮 麥門冬 杏仁各六分

柴胡 桔梗 茯苓各五分 鹿角膠七分

乾姜三分 白朮三分 防風六分 大棗一百枚

黃芩六分 大芫黃七分

右二十二味末之和棗膏煉蜜丸如彈子大空腹酒服

一丸日三服

肝 續斷丸 治肝勞虛寒脇痛脹滿眼昏不食攣縮瘕瘕

續斷酒浸 川芎 當歸酒浸 半夏湯泡

橘紅 乾姜炮各 桂心 甘草各

右為細末蜜丸如桐子大每服百丸白滾湯下



心

牛黃散 治心虛風筋脉攣搐神昏語澁

牛黃

龍腦

硃砂

麝香各一錢

蟬蛻

烏蛇肉酒浸一兩

全蝎炒

殭蚕炒

桑螵蛸

羚羊角

阿膠炒

天麻

防風

甘菊花

蔓荊子

桂心

細辛

側子炮去皮

獨活去芦各半兩

犀角兩半

麻黃半錢

右為細末和勻再研每服一錢荳淋酒下

續命煮散 治風氣留滯心中昏憤四肢無力口眼攣動

或時搐搦或渴或自汗

防風

獨活

當歸

人參

細辛

葛根

芍藥

川芎

甘草

熟地

遠志

荊芥

半夏各五

官桂半兩

每服一兩水二盞生姜三片煎至八分去渣通口服汗

多者加牡礪粉一錢半

風熱 獨活散 消風化痰

細辛

石膏研

甘草各半兩

防風

藁本

旋覆花

川芎

蔓荊子

獨活各一

右為細末每服三錢姜三片水一大盞煎七分食後服

運氣 運氣瘰癧有二

其一曰火經曰火鬱之發民病嘔逆瘰癧又曰少陽所至

為暴注暈瘰又曰少陽司天客勝則為瘰癧是也

其二曰水經曰陽明司天燥氣下臨木氣上從民病脇痛

目赤掉振鼓慄又曰歲土太過雨濕流行民病足痿不收



針灸

行善瘕又曰太陰之復頭頂痛重而掉瘕尤甚是也

甲卒心中痛瘕瘕互相引肘內廉痛心熬上然間使主之

熱病先手臂身熱瘕瘕唇口聚鼻張目下汗出如轉未

兩乳下二寸堅脇滿悸列缺主之 振寒瘕瘕手不伸

嗽唾濁氣膈善嘔尺澤主之 大風嘿上不知所痛嗜臥

善驚瘕瘕天井主之 頭重鼻翳及瘕瘕至陰主之 身

熱狂走譫語見兎瘕瘕身柱主之

手腹滿瘕瘕心痛氣滿不得息巨闕主之 嘔血時瘕善

搖頭顏青汗出不過肩傷寒溫病曲澤主之

顛振

顛振也振動也風火相乘動搖之象比之瘕瘕其勢為緩

內經云諸風掉眩皆屬於肝掉即顛振之謂也又曰諸禁

鼓慄如喪神守皆屬於熱鼓慄亦動搖之意也此症之由

風熱相合亦有風寒所中者亦有風挾濕痰者治各不同

也常見此症多於傷寒熱病痲疾中無見者多是熱甚而

曳牽動重遲者微有不同

星附散 治中風雖能言口不喎斜手足躄曳者

天南星

半夏肥土俱人參

黑附子去皮

白附子

茯苓

川烏去皮

僵蚕

沒藥各等

右咬咀每服五錢水酒各一盞煎八分熱服并進得汗

為度

獨活散見前瘕瘕條

王金牙酒 療積年八風五疰舉身躄曳行步跛躄不能

收持

金牙

碎如米粒用

地膚子

無子用莖葉一方用蛇床子



熟地

蒴藿根

附子

防風

細辛

莽草各四兩

川椒各四兩

羌活斤一

一方用獨活

右十味咬咀盛以絹袋用酒四斗於磁器中漬封固勿令泄氣春夏三四宿秋冬六七宿酒成去滓日服一合常令酒氣相接不盡一劑病無不愈

產後痲癩

表

產後因虛傷風痲癩同傷表症未傳入裏宜服防風湯前見

愈風湯 治產後中風口噤痲癩亦治血暈四肢強直用

荆芥略炒為末每服三錢豆淋酒下

增損柴胡湯 治產後感異症手足牽搐涎潮昏悶

柴胡

黃芩二分

人參一分

甘草一分

熱

石膏二錢

知母一分

黃芪一分

半夏一分

右咬咀分二服水二盞姜三片棗二枚煎八分不拘時服

服

秦芫湯前症已去次服此藥去其風邪

秦芫

芍藥

柴胡各一分

甘草一分

黃芩

防風各一分

半夏各一分

右咬咀分二貼每貼水二盞姜三片煎八分食遠服

癘風

經曰脉風成為癘俗呼癘風是也

大法丹云大風病是受得天地間殺物之風古人謂之癘風以

其酷烈暴悍可畏爾人得之者須分在上在下夫在上者以醉仙散取臭惡血於齒縫中出在下者以通天再造散取惡物虻虫於穀道中出所出雖有上下道路之異然皆



不外於陽明一經而已看其疙瘩上先見在上體多者病在上也下先見在下體多者病在下也上下同得者病在上復在下也陽明主胃與大腸無物不受此風之入人也氣受之在上多血受之在下多血氣俱受者上下皆多自非醫者有神病者有鐵心罕有免者余曾治四五人中間惟一婦人得免以其貧甚無物可吃也孫真人曰吾嘗治四五百人終無一人免者非真人之不能治也第無一久能守禁忌耳

大法重者取積取汗

下劑

醉仙散 治大風疾遍身癩疹癢麻木

胡麻子

牛旁子

枸杞子

蔓荊子各一兩同炒

白茯苓

苦參

瓜蒌根

防風各半兩

右為細末每十五錢末入輕粉一錢拌勻每服一錢茶

調下晨午夕各一服後五七日先於牙縫內出臭黃涎渾身疼痛昏悶如醉次後利下膿血惡臭氣病根乃去矣

四聖保命丹

大黃兩半

黃柏兩八

苦參

荊芥各四兩

右為末煉蜜和勻分作一百二十九每服一丸溫酒送下食遠日三服忌肉醬一方用蝦蟆一箇燒灰

祛風散

大蚕沙五升先篩淨水淘三遍控乾

東行蝎虎一條培乾用白麵四斤拌蚕沙

為絡索晒乾

右每服一二合熬栢葉湯調服食前日三服

通天再造散

治大風惡疾

鬱金錢半兩

大黃一兩

白牽牛六錢半生半炒



皂角刺黑大者一兩

右為末每服五錢日未出時面東以無灰酒調下

汗劑愈風丹 治癩

皂角一斤去皮弦剉作四指許以無灰酒浸一宿瀝出同新汲水一大碗揉作濃汁濾去渣以

砂無慢火熬膏 苦參四兩為末 土蝮蛇頭尾全用陰乾為末

右二味末以皂角膏丸如桐子大每服七十九空心用

防風通聖散煎成送下口二服服三二日後入浴出汗

病重者不過一料病微者止用烏稍蛇不用土蝮

換肌散 治大風年深不愈至眉毛墮落鼻梁塌壞額顛

腫破服此速效

白花蛇三兩 烏蛇三兩酒一宿 地龍去土三兩 當歸酒制

細辛 白芷各一兩 天麻 蔓荊子

藏靈仙 荆芥穗 并菊花 苦參

款參 沙參 木賊 不灰木

川芎 沙苑疾藜 甘草炙 天門冬

赤芍藥 菖蒲九節者 何首烏 胡麻炒

草烏頭各三斤 蒼朮三斤米泔浸 木鱉子去殼三斤 定風草三斤

緩劑 輕者踈風和血以二聖散治之二聖散方

大黃兩半 皂角刺燒灰三錢

右將皂角刺一二箇燒灰研細用大黃半兩煎湯調下

二錢早服樺皮散中以升麻湯下瀉青丸晚服二聖散

此為緩治

栢葉湯用東南枝上栢葉一秤水一桶水三沸去渣盛

起旋熬蚕沙調服初服苦澁三五日後甜十日四肢沉重

便赤白痢一月後發出瘡乾瘡破用烏龍散搽之



烏龍尾

即倒懸 灰二錢

烏鷄子皮

煨

二味為末用栢油調搽於破瘡上

樺皮散 治肺擁風毒遍身癢疹瘙痒

荆芥穗

二

枳殼

樺皮

各四

甘草

炙半

杏仁

二枚半 去皮尖用水一碗煎 令乾另研

右為末每服二錢食後溫酒調下

凌霄散 治癘風神效

蟬殼

地龍

炒

僵蚕

各七

凌霄花

半

右為末每服二錢熱酒調下無時於浴室中常噴湯中

一時許服藥神効

祛風九 治疥癩經曰脉風成爲癩也

黃芪

枳殼

防風

芍藥

甘草

熟地

地骨皮

枸杞子

生地

右九味木杵相為細末煉蜜丸如桐子大白湯下五十

丸

洗藥如聖散

蔓荆子

苦參

玄參

厚朴

荆芥

紫參

陳皮

沙參

麻黃

去節 防風

白芷

歲靈仙

右為細末每服五錢桃柳枝各一把水五升煎臨臥熱

洗患五辛

東垣治

垣段庫使病癘風滿面連鬚極痒眉毛已脫落須用熱水沃之稍緩每晝夜須數次或砭刺亦緩先師曰風論中云夫癘者榮衛熱附其氣不清故使其鼻柱壞而色敗皮膚



癆潰風寒客于脉而不去名曰癩風治之者當刺其腫上以銳針刺其處按出其惡氣腫盡乃止常食如常食勿食他食如用藥當破血去熱升陽去癢瀉榮以辛冷散之甘温升之行陽明經瀉心火補肺氣乃治之正也

補氣瀉榮湯

升麻

連翹各六分

蘇木

當歸

全蝎

黃連

地龍

黃芪各三分

黃芩生四分

北草半錢

人參二分

生地四分

桃仁三箇

桔梗五分

麝香許少

胡桐淚一分

水蛭炒令爛

蜜虫去翅足微

右判如麻豆大除連翹另剉胡桐淚研白苝蕞二分為細末二味另放麝香蜜虫水蛭三味為末另放外都作一服水二大盞酒一匙入連翹煎至一盞六分再入白

苝蕞二味并麝香等三味再上火煎一二沸去查稍熱

早飯後午飲前服忌酒濕麪生冷硬物

針灸經大風刺其肌肉故汗出百日刺骨髓汗出百日凡二百

日髮眉生而止針

承漿一穴在頤前唇下宛上中足陽明任脉之會療偏風口喎面腫口齒疳蝕虫瘡灸亦佳日灸七壯七七壯灸則血脉通宣其風應特立愈



醫學綱目卷之十二

肝膽部

行痺

痛痺

諸痺着痺

鶴膝風

肇

一身盡痛

產後身痛

風痛雜合病

風寒濕三氣為痺

黃帝曰痺之安生岐伯對曰風寒濕三氣雜至合而為

痺也其風勝者為行痺行痺者行而不定也稱為走寒

氣勝者為痛痺痛痺者疼痛苦楚世稱痛為濕氣勝者

為着痺着痺者着而不移世稱着為麻者得矣或痛着一

處始終不移者是也帝曰其有五者何也岐伯曰以冬

遇此者為骨痺以春遇此者為筋痺以夏遇此者為脉痺

以至陰遇此者為肌痺以秋遇此者為皮痺凡風寒濕所

着痺之病冬遇此者為骨痺春遇此者為筋痺夏遇此者

為脉痺長夏遇此者為肌痺秋遇此者為皮痺皆以所遇

之外又別有骨痺筋痺肌痺皮痺也帝曰內舍五



臟六腑何氣使然岐伯曰五臟皆有合病久而不去者內  
合於其合也故骨痺不已復感於邪內舍於腎筋痺不已  
復感於邪內舍於肝脈痺不已復感於邪內舍於心肌痺  
不已復感於邪內舍於脾皮痺不已復感於邪內舍於肺  
所謂痺者各以其時重感於風寒濕之氣也凡痺之客五  
臟者肺痺者煩滿喘而嘔心痺者脈不通煩則心下鼓暴  
上氣而喘噎乾善噫厥氣上則恐肝痺者夜臥則驚多飲  
數小便上為引如懷腎痺者善脹尻以代踵脊以代頭脾  
痺者四肢解墮發欬嘔汁上為大寒腸痺者數飲而出不  
得山氣喘爭時發殭泄泄門胞痺者少腹膀胱按之  
內痛若沃以湯澁於小便上為清涕淋門滯氣喘息痺  
聚在肺滯氣憂思痺聚在心滯氣遺溺痺聚在腎滯氣乏  
竭痺聚在肝滯氣飢絕痺聚在脾土註云滯氣謂氣之妄  
行者各隨臟之所主而

入為痺也

諸痺不已亦益內也其風氣勝者其人易已也帝

曰痺其時有死者或疼久者或易已者其故何也岐伯曰  
其入臟者死其留連筋骨間者疼久其留皮膚間者易已  
帝曰其客於六腑者何也岐伯曰此亦其飲食居處為其  
病本也六腑亦各有俞風寒濕氣中其俞而食欲應之循  
俞而入各舍其腑也帝曰以鍼治之奈何岐伯曰五臟有  
俞六腑有合循脈之分各有所發各隨其過則病瘳也痺

論篇

刺痺法

冬感風寒濕者為骨痺久不已則內入於腎病腎脹足攣  
尻以代踵身躄脊以代頭取太溪委中

春感風寒濕者為筋痺久而不已則內入於肝病臥則驚  
多飲數小便取太衝陽陵泉

夏感風寒濕者為脈痺久而不已則內入於心病心下滿



暴喘噎乾善噫恐懼 取太陵小海

長夏感風寒濕者為肉痺久而不已則內入於脾病四肢

解墮發欬嘔汁 取太白三里

秋感風寒濕者為皮痺久而不已則內入於肺病煩滿喘

嘔 取太淵合谷

榮衛為痺

帝曰榮衛之氣亦令人痺乎岐伯曰榮者水穀之精氣也

和調於五臟洒陳於六腑乃能入於脈也故循脈上下貫

五臟絡六腑也衛者水穀之悍氣也其氣慄疾滑利不能

入於脈也故循皮膚之中分肉之間熏於盲膜散於胸腹

逆其氣則疾從其氣則愈不與風寒濕氣合故不為痺帝

曰善痺或痛或不痛或不仁或寒或熱或燥或濕其故何

也岐伯曰痛者寒氣多也有寒故痛也治見其不痛不仁

者病久入深榮衛之行澁經絡時疎故不通皮膚不營

為不仁治見其寒者陽氣少陰氣多與病相益故寒也治見

痛風條酒其熱者陽氣多陰氣少病氣勝陽乘陰故為痺

熱其多汗而濡者此為逢濕甚也陽氣少陰氣盛兩氣相

感故汗出而濡也 帝曰夫痺之為病不痛何也岐伯曰

痺在骨則重在於脉則血凝而不流在於筋則屈而不伸

在於肉則不仁在皮則寒故具此五者則不痛也凡痺之

類逢寒則急逢熱則縱帝曰善論俱痺

河升麻湯治熱痺肌肉熱極體上如鼠走唇口反縱皮色

變諸風皆治

升麻三兩

茯神去皮

人參

防風

犀角鎊

羚羊角鎊

羌活各一兩

官桂半兩

右為末每服四錢水二盞生薑二塊碎竹瀝少許同煎至一盞溫服不計時候

雜方



診素少陰有餘病皮痺癱瘳不足病肺痺 太陰有餘病肉

痺寒中不足病脾痺 陽明有餘病脈痺身時熱不足病

心痺 太陽有餘病骨痺身重不足病腎痺 少陽有餘

病筋痺脇滿不足病肝痺四時刺逆從論 肺脈微大為肺痺引

胃背起惡日光 心脈微為心痺引背善淚出全文見診

靈黃帝曰何以候人之善病痺者少俞答曰粗理而肉不

堅者善病痺黃帝曰痺之高下有處乎少俞答曰欲知高

下者各視其部五變論

關中薄澤為風衝濁為痺五色篇 浮絡多青則痛黑則痺

全文見陰陽

素脈瀼曰痺平人氣象論

行痺即走注

表寒 仲諸肢節疼痛身體尪羸脚腫如脫頭眩短氣兀兀欲吐

桂枝芍藥知母湯主之

桂枝兩四 芍藥兩三 甘草兩二 麻黃兩二

生薑兩五 白朮兩五 知母兩四 防風兩四

附子兩二

右以水七升煮取二升溫服七合日三服

病歷節不可屈伸疼痛烏頭湯主之

麻黃 芍藥 黃芪兩三 甘草炙

川烏五枚 煎取一升以蜜二升

右咬咀五味以水三升煮取一升去查納蜜再煎服七

合不時盡服之

河防風湯治行痺走注無定

防風 甘草 當歸 赤茯苓去皮

杏仁去皮炒熟 桂七 各兩 黃芩 秦艽



葛根各三錢 升麻去節半兩  
 右為末服五錢水酒各二盞棗三枚薑五片煎至一盞  
 去查温服

本治濕傷腎不養肝肝自生風遂成風濕流注四肢筋  
 骨或入左肩膈肌肉疼痛漸入左指中薏苡仁散

薏苡仁兩 當歸 小川芎 乾薑  
 茵芋 甘草 官桂 川烏  
 防風 人參 羌活 白朮  
 麻黃 獨活各半兩

右為細末每服二錢空心臨臥酒調下日三服  
 治白虎歷節諸風痲痺痛遊走無定狀如虫啣晝靜夜劇及  
 一切手足疼痛腐悉丸

川烏大八角者三箇用生土

金錫二十一箇生用

黑苦二十箇生用

地龍半兩

右為細末入麝香半字同研勻糯米糊為丸如棗  
 每服七丸甚者十九丸夜臥令膈空温酒下微出冷汗一  
 身便瘥予得此方凡是歷節及不測痲痛一二服便瘥  
 在欽州日有一貴家婦人遍身走注疼痛至夜則發如  
 虫啣其肌多作鬼邪治予曰此正歷節病也三服愈欽

切藥

丹龍虎丹治走注疼痛或麻木不遂或半身疼痛

草烏 蒼朮 白芷各一兩

右研為末水拌發熱過再入乳香二錢當歸牛膝各半  
 兩酒糊丸如彈子大酒化下

無附子八物湯治歷節風四肢疼痛如錘鍛不可忍

附子炮去 乾薑炮 芍藥 茯苓



半夏

桂心各二兩

白朮四兩

人參三兩

右剉散每服四錢水二盞煎至七分去查食前服

表熱  
丹痛風走注疼痛

黃栢酒炒

蒼朮酒炒各二錢

右作一服煎就調酒威靈仙末羚羊角灰臣蒼朮佐芥子使用薑一片入藥末一錢搗碎以前藥再溫服

東和血散痛湯治兩手十指一指疼了一指疼疼後又腫骨頭裏痛膝痛左膝痛了右膝痛發時多則五日少則三日晝輕夜重痛時覺熱行則痛輕腫却重解云先血後氣乃先痛後腫形傷氣也

羌活身

升麻

麻黃去節各錢半

桃仁十箇

柴胡二錢

紅花一分

歸身一分

防風錢一

甘草二分

獨活五分

猪苓五分

黃栢錢一

防已六分

知母酒一錢

黃連酒

右咬咀分作四服每服水一大盞煎至一半去查空心熱服

羅真定府張大素好嗜酒五月間病手指節腫痛屈伸不利膝體亦然心下痞滿身體沉重不欲飲食食即欲吐面色痿黃精神減少至六月間求予治之診其脈沉而緩緩者脾也難經云俞主體重節痛俞者脾之所主四肢屬脾蓋其人素飲酒加之時助濕氣大勝流於四肢故為腫痛內經云諸濕腫滿皆屬脾土仲景云濕流關節肢體煩痛此之謂也宜以大羌活湯土之內經云濕淫於內治以苦溫以苦發之以淡滲之又云風勝濕羌活獨活苦溫透關節而勝濕故以為君升麻苦平威靈仙蒼朮防風苦辛溫發之者也故以為臣血壅而不流則痛當歸辛溫以散之



甘草甘溫益氣澤瀉鹹平茯苓甘平導濕而利小便以淡  
滲之使氣味相合上下分散其濕也

羌活 升麻各一錢 獨活 分七 蒼朮

防風 甘草 葳靈仙 茯苓

當歸 澤瀉各半兩

右剉作一服水二盞煎至一盞溫服食前一服食後一  
服忌酒麪生冷硬物

本麻黃湯治歷節

麻黃 兩一 羌活 兩一 黃芩 分三 細辛

黃芪 錢各五

右為籠末每服五錢水二盞煎至八分去渣溫服接續  
三四日有汗慎風

治風熱成歷節攻手指作赤腫麻木甚則攻肩背兩膝遇

暑熱或大便秘即作牛蒡子散

牛蒡子 新葶鼓 炒 羌活 兩三 生地 兩二

黃芪 兩一

右為細末湯調二錢服空心食前日三服此病習膈生  
痰久則赤腫附著肢節久久不退遂成厲風此孫真人  
預戒也宜早治之

河大昔藥散治周痺注五臟留滯胃中結聚益氣出毒潤  
澤皮毛補腎用大昔藥一升炒香熟為末每服半錢溫酒  
調下空心加至一錢日三服 本草云大豆消瘀血破婦人  
惡血治熱痺筋挛膝痛古人  
多用酒沃昔藥  
取汗蓋表集也

無控涎丹凡人忽曾背手脚頸項腰膝隱痛不可忍連筋  
骨牽引釣痛坐臥不寧時時走易不定俗醫不曉謂之走  
注便用風藥及針灸皆無益又疑是風毒結聚欲為癰疽

注痰涎流



亂投藥貼亦非也此乃是痰涎伏在心膈上下變為疾或令人頭痛不可舉或神思昏倦多睡或飲食無味痰唾稠粘夜間喉中如鋸聲口流唾涎手脚重腿冷痺氣不通誤認為癱瘓亦非也凡有此疾但用是藥不過數服其疾如失

甘遂法

紫大戟法

白芥子

真者各等分

右為末煮糊丸如桐子大晒乾臨臥淡薑湯或熟水下五七丸至十九丸痰猛氣實加丸數不妨其効如神

壬犀角湯治熱毒流入四肢歷節腫痛

犀角兩二

羚羊角兩一

前胡

黃芩

梔子仁

射干

大黃

升麻各四

豉升一

右九味咬咀每服五錢水二盞煎服

茵芋丸治歷節腫滿疼痛

茵芋

硃砂

薏苡仁各一兩

牽牛半一兩

郁李仁半兩

右細末煉蜜杵丸如桐子大輕粉滾為衣每服十九至十五丸或二十九五更溫水下到晚未利可二三服快利為度白粥將息

子和治一稅官風寒濕痺腰脚沉重浮腫夜則痛甚兩足

惡寒經五六月間猶綿脛靴足膝皮膚少有跣露則冷風襲之流入經絡其病轉劇走注上下往來無定其痛極處便攣急而腫起肉色不變腠理如虫行每遇風冷病必轉增飲食減肌體瘦之須人扶稍能行立所服者烏附薑桂種種燥熱燔針着灸莫知其數前後三年不愈一日予脈之其兩手皆沉滑有力先以導水丸通經散各一服是夜

表裏兼施



瀉三十餘行痛減半漸服赤茯苓湯川芎湯防風湯此三方在宣明論中治痺方是也日三服煎七八錢漿漿然汗出余又作玲瓏竈法薰蒸血熱必增劇諸汗法古方多有之惟以吐發汗者世罕知之故予嘗曰吐法兼汗良以此夫

千治遊風行走無定或如盤大或如甌或着腹背或着臂或着脚悉主之

海藻

茯苓

防風

獨活

附子

白朮

大黃

鬼箭羽

當歸各二兩

右九味咬咀以水二斗漬五日初服二合漸加以知為度

丹控涎散治身及脇走痛痰挾死血加桃仁泥丸治走注

痰挾死血

疼痛

葳靈仙錢一

川芎錢七

梔子錢一

當歸錢一

肉桂分一

蒼朮錢一

桃仁錢七

甘草分五

右用生薑五片水二盞煎半乾入童便半盞竹瀝半盞

沸熱服忌肉麵鷄

定痛方治一切風濕痺痛

乳香

沒藥

地龍去

木鱉去

金星石

五靈脂

右等分蜜丸如彈子大每服一丸臨臥酒下

外治歷節諸風百節痠疼不可忍用松脂三十斤煉四五

十遍以煉酥三升溫和松脂三升熟攪令極調勻每旦空

腹以酒服方寸七日二服數日食麩粥為佳慎勿食血腥

生冷鮓物菓子百日瘥 松節酒治歷節風四肢疼痛松

血中有濕



節二十斤酒五斗漬三七日服一合日五六服丹溪云松屬金能透

血中之濕干松葉酒治歷節松葉三十斤酒二石五斗漬三七日服一合日服五六度

濕熱

寒走注疼痛治法及熱走注疼痛治法並見表寒表熱條垣身體沉重走注疼痛濕熱相搏而風熱鬱不得伸附着於有形也宜蒼朮黃柏之類

雜方

李絳兵部手集方治臂脛痛不計深淺皆效用虎脛骨二大兩粗舂熬黃羚羊角一大兩屑新芍藥二大兩細切三物以無灰酒浸之春夏七日秋冬倍日每旦空腹飲一盃冬月速要服即以銀器物盛火爐中煖養之二兩日即可服也

經治風毒骨髓疼痛苟藥二分虎骨一具塗酥炙黃槌碎

續發盛用清酒三升漬五日每服二合日三服

聖治歷節風百節疼痛不可忍用虎頭骨一具塗酥炙黃槌碎絹袋盛用清酒二斗浸五宿隨性多少緩飲之妙

針灸

靈黃帝問於岐伯曰周痺之在身也上下移徙隨脈其上下左右相應間不容空願聞此痛在血脈之中邪將入分肉之間乎何以致是其痛之移也問不及下鍼其搖痛之時不及定治而痛已止矣何道使然願聞其故岐伯答曰此衆痺也非周痺也黃帝曰願聞衆痺岐伯曰此各在其處更發更止更居更起以右應左以左應右非能周也更發更休也帝曰善此痛安生何因而有名岐伯曰風寒濕氣客於外分肉之間迫切而為沫沫得寒則聚聚則排分肉而分裂也分裂則痛痛則神歸之神歸之則熱熱則痛解痛解則厥厥則它痺發發則如是此內則不在臟而外



未發於皮獨居分肉之間真氣不能周故命曰周痺周痺當作

衆痺夫周痺邪在分肉血脈今云邪獨居分肉之間而命曰周痺者是衆痺之誤為周痺也明矣神機之則然也則

痛解者所謂更止更居也痛解則厥厥則亡痺發者所謂更發更起也自黃帝曰善此痛安生至此一百十四字元

誤在後刺其下以脫之上今移于此黃帝曰善刺之奈何岐伯曰刺此者

痛雖已止必刺其處勿令復起帝曰善願聞周痺如何岐

伯曰周痺者在於血脈之中隨脉以上隨脉以下不能左

右各當其所黃帝曰刺之奈何岐伯曰痛從上下者先刺

其下以過之後刺其上以脫之痛從下上者先刺其上以

過之後刺其下以脫之故刺痺者必先切循其下之六經

視其虛實及大絡之血結而不通及虛而脉陷空者而調

之熨而通之其瘕堅者引而行之帝曰善已得其意矣周痺

筋○大絡血結不通為實脉陷空為虛過字一作過下

按謬刺論云凡痺往來行無常處者在分肉之間痛而

刺之以月死生為數用鍼者隨氣盛衰以為痛數針過

其日數則脫氣不及日數則氣不瀉左刺右右刺左病

已止不已復刺之如法月生一日一痛二日二痛漸多

之十五日十五痛十六日十四痛漸少之詳此亦刺衆

痺於所痛之法當與前衆痺法相參用之

刺五臟六腑痺法見諸痺條

下治歷節但於痛處灸三七壯佳

怪白虎歷節風痛 兩踝尖在內外兩 渾身疼痛往來

上下無常 陽輔 如足跟不得履地 風池 如膝蓋

腫起 曲池半寸 陽陵泉半寸

心婦人四旬因小產成病百節痛無常處臥牀不起

八字分五 環跳半四寸 五樞半三寸 曲池 液門各寸

絕骨半二寸 如脊背痛者 人中 大椎節下各五分

針灸

針灸

針灸

針灸

針灸

針灸



診

委中 七分見  
血立効

無附骨疽與白虎飛尸歷節皆相類歷節痛則走注不定  
白虎飛尸痛淺按之則便止附骨疽痛深按之亦無益又  
一說白虎飛尸亦能作膿着骨而生及其腐潰碎骨出及  
方愈如是則附骨與白虎飛尸同是一病但淺深不同耳  
仲寸口脈沉而弱沉即主骨弱即主筋沉即為腎弱即為  
肝汗出入水中如水傷心歷節黃汗出故曰歷節 少陰  
脈浮而弱弱則血不足浮則為風風血相搏則疼痛如掣  
盛人脈濇小短氣自汗出歷節疼不可屈伸此皆飲酒  
汗出當風所致

痛痺 即痛

以溪治  
先受之  
血熱

丹病風論○氣行脈外血行脈內晝行陽二十五度夜行  
陰二十五度此平人之造化也得寒則行遲而不及得熱

則行速而太過內傷於七情外傷於六氣則氣血  
遲或速而疾作矣彼痛風者大率因血受熱已自沸騰  
後涉於冷水或立濕地或扇風取涼或坐臥當風寒涼外  
搏熱血得寒汚濁凝滯所以作痛夜則痛甚行於陰也治  
法以溫辛涼之劑流散寒濕發腠理其血得行與氣相和  
其病自安然亦有數種治法各異謹書一二以証予言一  
治東陽傳大腰痛一治朱宅閭內痛李一治隣鮑子痢後  
風皆數十貼牛年安 詳觀後丹溪  
治內熱條 或問北見隣人用草  
藥研酒飲之不過數貼亦有安者如子之言類皆經久取  
効無乃太緩乎予曰此劫病草藥石上採絲為之君過山  
龍等佐之皆性熱而燥者不能養陰却能燥濕病之淺者  
濕疾得燥則開熱血得熱則行亦可取効彼病深而血少  
者愈劫愈虛愈劫愈深若朱之病是也子以我為迂緩乎



朱之病即朱開李痛醫十  
月不應而丹溪起之也

潛行散治痛風黃柏一味酒浸焙乾為末生薑汁和酒調  
服必兼四物等湯相間服之妙

二妙散治筋骨疼痛因濕熱者如有氣加氣藥如血虛加  
補血藥如痛甚以薑汁熱辣服之

黃柏炒

蒼朮炒製  
去皮

右為麤末生薑研入湯煎沸調服此二物皆有雄壯之  
氣如表實氣實者少酒佐之 一法二妙為君加甘草  
羌活各二錢陳皮芍藥各一錢酒炒歲薑仙半錢為末  
服之佳

血虛血  
汚者補  
而行之

一男子家負多勞秋涼忽渾身發熱兩臂膊及膝兩足及  
跨皆疼痛如鍛晝輕夜劇醫與風藥則愈痛與血藥  
効惟待斃而已予脉之兩手俱瀼而數右甚於左

食則如平時形瘦則如創蓋蓋大痛而瘦非病也用蒼朮

一錢半酒黃柏一錢半生附一片生甘草三分麻黃五分

研桃仁九箇作一貼煎入薑汁些少令辣熱服至四貼後

去附子加牛膝一錢至八貼後來告急云氣上喘促不得

睡痛似微減此時昏黑不能前去診視予意其血虛因服

麻黃過劑陽虛被發動而上奔當與補血鎮墜帶味酸之

藥以收之遂以四物湯加川芎芍藥人參二錢五味子十

二粒作一貼與二貼服之喘促隨定是夜遂安三日脈之

數減大半泄脉如舊問其痛則曰不減然伸吟之聲却無

察其起居則疲弱無力病人却自謂不弱遂以四物湯加

牛膝白朮人參桃仁陳皮甘草換榔入薑三片煎服如此

藥與五十貼而安一月後因負重擔痛復作飲食亦少再

與此藥每貼加黃芪三分又二十貼方全愈 東陽傳文



年踰六十性急作勞患兩腿痛動作則痛甚予視之曰此兼虛証當補血虛病自安遂與四物湯加桃仁陳皮牛膝生甘草煎入生薑研潛行散熱飲三四十貼而安何縣長年四十餘形瘦性急因作勞背疼臂痛骨節疼足心發熱可與四物湯帶熱下大補丸保和丸共六十粒食前服婦人脚疼脚怕冷夜劇日輕

生地

白芍

歸尾各五錢

黃柏炒

黃芩

白朮

陳皮各三錢

牛膝二錢

蒼朮三錢

甘草稍一錢

右分六貼煎服食前熱飲之

隣人鮑子年二十餘因患血痢用澁藥取效後患痛風號叫撼隣里予視之曰此惡血入經絡證血受濕熱久為凝濁所下未盡雷滯隧道所以作痛經久不治恐成木也

與四物湯桃仁紅花牛膝黃芩陳皮甘草煎生薑汁研潛行散入少酒飲之數十貼又與刺委中出黑血近三合而安 痢後風係血入臟腑下未盡復還經絡不得行故也 松明節一兩以乳香一錢炒焦存性蒼朮一兩紫葳一兩半甘草半兩黃柏一兩桃仁去皮不去尖一兩俱為末每服三錢生薑同杵細水盪起二三沸服

挾按者疎導之

朱宅閩內年三十食味甚厚性亦燥急患痛風攣縮數月醫不應予視之曰此挾痰與氣症當和血疎痰導氣病自安遂以潛行散入生甘草牛膝枳殼通草陳皮桃仁薑汁煎飲半年而安

陸郎左腿又骨舊痛小便赤少此積憂痰涎所為

白朮

枳殼

赤芍一錢

條芩

連翹

通草

甘草稍三分



六安人脚股骨痛

蒼朮

白朮

陳皮

芍藥分三

木通錢二

甘草分五

分四貼煎下大補九四十粒

右丹溪治痛風法主於血熱血虛血汚或挾痰皆不離四物潛行黃柏牛膝生甘草桃仁陳皮蒼朮生薑汁而隨症加減發前人之所未發醫世俗之所不醫其有功於世也大矣

痛在胃  
絡若解  
食毒

本王嶽正患鼻額間痛或麻痺不仁如是數年忽一日連口唇頰車髮際皆痛不開口雖言語飲食亦妨在額與頰上常如糊手觸之則痛予作足陽明經絡受風毒傳入經絡血凝滯而不行故有此症或以排風小續命透髓丹之類與之皆不効製此犀角升麻湯贈之數日而愈

犀角一尺

升麻

吐風

羌活名二

川芎

白附

白芷

黃芩各半

甘草

右麤末每服四大錢水一盞半煎至八分去渣通口食後服臨卧一服日三四服足陽明胃也經云腸胃為市

又云陽明多血多氣胃之中腥羶五味無所不納如市廛無所不有也六經之中血氣俱多腐熟飲食故飲食之毒聚於胃此方以犀角為主解飲食之毒也陽明經絡環唇挾舌起於鼻合頰中循頰車上耳前過客主人循髮際至額顙王公所患皆一經絡也故以升麻佐之餘藥皆滌除風熱升麻黃芩專入胃經稍通者自能曉海四物蒼朮各半湯治肢腫不能舉動四物湯蒼朮各半兩同煎服效相表裏

無實熱  
者但治  
活血



活血丹與四物蒼朮各半湯相表裏治遍身骨節疼痛如神

熟地黃三 當歸 白朮 白芍

續斷 人參各一兩

右細末酒糊丸如桐子大

先膏石後感之東垣蒼朮復前散治寒濕相合腦戶痛惡寒項筋春強有背脚卵痛膝臏痛無力行步能食身沉重其脈沉緩洪上外寒微者以蒼朮發之急

蒼朮四兩水二碗煎至一大盞去渣入下藥 羌活錢一

升麻 柴胡 藁本 澤瀉

白朮各五分 黃柏各三分 紅花抄

右為釐末用蒼朮湯二盞煎至一大盞去渣溫服空心微汗為效忌酒麵

緩筋湯治目如火腫痛兩足及伏菟骨筋痛膝少力腰痛夜惡寒痰嗽項頸筋骨皆急痛目多眵淚食不下

羌活紅 獨活紅 藁本各三分 麻黃各三分

蘇木分 升麻分 甘草各二分 草薢分

生地 黃芩 黃柏各三分 蒼朮分五

歸身分三 柴胡分三 熟地分二 生甘草根分二

右為釐末都作一服水二盞煎至一盞去渣熱服食遠仲桂枝芍藥知母湯 河間防風湯已上二方治痛風神妙並見行痺表條

世治痛風草烏四兩去尖木鱉子三兩去殼自然銅一兩

煨香白芷三兩沒藥二兩另研南星二兩葳蕤仙二兩地

龍三兩糊為丸每服十五粒

羅活血應痛丸治風濕客於腎經血脈凝滯腰背腫疼不能轉側皮膚不仁遍身麻木上攻頭目虛腫耳內常鳴下

甚者桂附系之



注脚膝重痛少力行屢艰难項背拘急不得舒暢常服和  
血脉壯筋骨使氣脈宜通

狗脊去毛六兩 蒼木酒浸一宿十兩 香附炒二兩 陳皮九兩

沒藥二兩 草烏二兩半炮 葳靈仙三兩

右為細末酒煮麵糊為丸如桐子大每服十五丸溫酒  
或熱湯送下不拘時候久服忌桃李雀鷓諸血物

丹八珍湯治一切痛風脚氣頭風

乳香 沒藥 代赭石 川山甲生用

川烏不去皮尖生用一兩 草烏不去皮尖生用五兩

羌活半斤 全蝎二十一个用頭尾全者

右醋糊丸如桐子大每服十一丸

羅烏靈丸治久患風寒麻木痛行步艰难

五靈脂一斤 川烏一斤炮去皮臍

右為細末酒煮麵糊為丸如桐子大每服十九加至五  
十九丸空心溫酒下忌一切冷物

以苦名  
行  
附  
林

史丞相遇仙方治諸般痛風手足艰难筋骨疼痛口眼喎  
斜言語蹇澁

附子炮去皮臍 川烏炮去皮臍 當歸酒浸 川芎

羌活 肉蓯蓉酒浸 杜仲去皮炒去

黃芪 白蒺藜炒去 白木 人參

川牛膝酒浸焙 防風 天麻去苗

白茯苓 草薢 狗脊炒去毛 續斷

獨活 肉桂去粗皮 赤芍各一兩 虎脛骨二兩半酥炙

右二十二味切細以生絹袋盛之用無灰酒浸密封瓶  
口春三日夏二日秋七日冬十日取出晒焙乾為末酒  
糊丸如桐子大用浸藥酒一盞送下五十九空心服忌



生冷油膩荳腐麵食發風之物

藥性不  
動者董  
之疑之

世五加皮酒治風濕遍身疼痛俗名痛風或腫或癱或脚  
氣不能步履者用五加皮不拘多少入白麴內同釀白酒  
飲之或入在麴內造好酒尤妙

丹治環跳痛不已防生附骨癰方以蒼朮佐黃柏之辛行  
以青皮冬加桂枝夏加黃芩体虛者加杜仲牛膝以甘草  
為使大料煎入酒深者恐木栢桂枝十數貼發不動以少  
麻黃一二貼又不動者恐癰將成掘地成坑以火煨紅沃  
以小便赤體坐其上以被席圍抱下體使熱蒸騰理間血  
氣暢而愈 時行熱毒攻手足大痛欲死作地坑深三尺  
可容則止却燒令熱以酒沃之乘熱看履坐其上包裹勿  
泄氣立安若手痛者煖酒浸之傷寒  
類要  
衍用三升醇酒拌蚕屎五升既蒸熱於煖室中鋪於油單

上令患風冷氣閉及近感癱風人就所患一邊臥着温熱  
處厚蓋覆汗出為度若虛人須在左右防大熱昏冒仍令  
頭面壅覆未全愈間再作

外治風痛腫白虎病以三年醞醋五升熱煎三四沸切葱  
白二三升煮一沸濾出布帛熱裹當病上熨之瘡為度

靈寒痺之為病也雷而不去時痛而皮不仁黃帝曰刺寒  
痺內熱奈何伯高答曰刺布衣者以火焯之刺大人者以  
菜熨之黃帝曰藥熨奈何伯高答曰用醇酒二十斤蜀椒  
一升乾薑一斤桂心一斤凡四種皆咬咀漬酒中用綿絮  
一斤細白布四丈并納酒中置酒馬矢煖中蓋封塗勿使  
泄五日五夜出布綿絮曝乾之乾復漬以盡其汁每漬必  
晬其日乃出乾之并用查與綿絮複布為複巾長六七尺  
為六七巾則用之生桑炭炙巾以熨寒痺所刺之處令熱



入至於病所寒復炙巾以熨之三十遍而止汗出以巾拭其身亦三十遍而止起步內中無見風每刺熨如此病已矣此所謂內熱也以音納○壽天剛柔篇

羅拈痛散治肢節疼痛熨烙藥

羌活

獨活

細辛

肉桂

防風

白朮

良薑

麻黃不去

天麻去苗

川烏生去皮

吳茱萸

乳香研

小椒去目

全蝎生

當歸各一

川薑五

葛根兩一

右為籠末入乳香研勻每抄藥一十錢甚者十五錢同細監一升炒令極熟絹袋盛熨烙痛處不拘早晚頻用藥冷再炒一次用畢甚妙

活血 神婦人六十二種風及腹中血氣刺痛紅藍花酒主之用

紅藍花一味以酒一大升煎減半頓服一半頃之再服

濟虎骨丸治經絡凝滯骨節疼痛筋脈攣急遇陰寒愈痛

乳香

沒藥各另研

赤芍

熟地

虎脛骨酥炙黃

當歸各一

血竭五

右為末用木瓜一枚切破去子入乳香末在內以麻線纏定勿令透氣好酒六升煮酒盡取木瓜去皮研如泥更入熟蜜少許杵和為丸如桐子大每服五十九病在上食後在下食前溫酒下

羅木瓜虎骨丸治風寒濕合而成痺脚重不仁疼痛少力足下癢痛不能踏地脚膝筋拳不能屈伸及項背拘急手足無力耳內蟬鳴頭眩目運諸證脚氣行步艱難并皆治之

木瓜

麒麟竭研

虎脛骨酒炙

木香



自然銅醋煅七次 楓香脂

龜板醋炙

骨碎補去毛

甜瓜子

桂皮

當歸

沒藥各一

乳香研半

地龍去土

安息香

重湯酒煮入藥各二升

右件十五味除沒藥外為細末拌勻酒麪糊為丸如桐子大每服三十九丸温酒送下煎木瓜湯送下亦得漸加至五十九丸空心食前服

濟麟散治寒濕傳於經絡疼痛不可忍

血竭

南乳香

沒藥

白芍

當歸各六

水蛭并碎炒令烟盡

麝香各三

虎脛骨酥炙黃五分

右八味為細末和勻每服三錢食前温酒下

丹赴痛散

乳香

沒藥

桃仁

紅花

上

羌活酒浸

香附便

生甘草

如痰熱加酒苧酒栢

龍

五靈脂

牛膝酒浸

痛風大法

蒼朮

南星

川芎

白芷

當歸

酒苧

在上者加羌活葳靈仙桂枝 在下者加牛膝防已木

通黃栢

薄桂治痛風無味而薄者獨此能橫行手臂領

南星蒼朮等至痛處

上中下痛風方

南星五

台芎一兩

白芷五錢

桃仁五錢

桂枝三兩橫行下有

漢防已

半兩

龍膽草半兩

蒼朮米泔浸一宿

黃栢

二兩

紅花二錢半

葳靈仙二錢去芦上下行

神曲

一兩

羌活三兩走骨節身



右為末麵糊丸食前服一百丸

四 茯苓丸治臂痛如神補遺 控涎丹治肩背臂痛如神

方見

控涎丹加去油太鱉子一兩桂五錢治臂痛每服二十九  
加至三十為

丹治臂痛

半夏錢一

陳皮半

茯苓五

蒼朮錢二

歲靈仙分三

酒芩分一

白朮分三

南星錢一

香附錢一

甘草錢一

世治臂痛

紅花炒

神麴炒

俱為末調服之

葛黃散治臂痛非風非痰

薑黃兩四

甘草

羌活各一

白朮二

腰以下痛者加海桐皮當歸芍藥

肩臂痛有六道經絡究其痛在何經絡之間以行本經藥  
行其氣血血氣通則愈矣若表上諸疼痛便下之則不可  
當詳細辨之

右東垣云臂痛有六道經絡以行本經藥行其氣血者  
蓋以兩手伸直其臂貼身垂下大指居前小指居後而  
定之則其臂痛之前廉痛者屬陽明經以升麻白芷乾  
葛行之後廉痛者屬太陽經以藜本羌活行之外廉痛  
者屬少陽以柴胡行之內廉痛者屬厥陰以柴胡青皮  
行之內前廉痛者屬太陰以升麻白芷葱白行之內後  
廉痛者屬少陰以細辛獨活行之并用針灸法視其何  
經而取之也

虛實足痛新病以痛風法治之久病非脚氣以鶴膝風治之各



自有門痛風多屬血虛然後寒熱得以侵之治法並見血熱血虛條

丹張子元氣血虛有痰小便白濁陰火間起痛風時作

人參附 白朮二兩 熟地二兩 川黃柏炒各二兩

山藥 海石好者一兩 瑣陽 乾薑煨半兩

南星兩 敗龜板二兩

右粥為丸如梧子大淡鹽湯下

痛風有痰帶熱先以舟車丸或導水丸神芎丸下之後以

趁痛散調血如痰熱趁痛散加酒苓酒栢

治痛風方

糯米一孟 黃躑躅根把一 黑豈半孟

右件用酒水各一碗煎半乾徐徐服之大吐大瀉一服

住便能行動

子和一男子六十餘病腰尻脊膝皆痛數歲不命書

躁大痛往來屢求自盡天旦則定夕則痛作必令人千捷

擊至五更雞鳴則漸減向曙則痛止戴人診其脈兩手皆

沉得堅勁有力如張弓弦謂之曰病雖瘦難任然腰尻脊

膝皆痛者必大便堅燥其左右曰有五七日或八九日見

燥屎一兩塊如彈丸結硬不可言渾身燥痒皮膚皺揭枯

澁如焚片戴人既得病之虛實陰用大承氣以薑棗煎之

加牽牛頭末二錢不敢言是瀉劑蓋病者聞煖則恠聞寒

則懼說補則從說瀉則逆此蔽非一日也而況一齊衆楚

於是藥煎成使稍熱咽之從少至多累至三日天且晚臟

腑下泄四五行約半盆以燈視之皆燥屎硬塊及瘀血雜

臟腑穢不可述須臾痛減九分昏睡鼻息調如常人睡至

明日始覺饑而索粥溫涼與之又困睡一二日其痛盡去

次令飲食謂養日服導飲丸甘露散滑利便溺之藥四十



餘日乃復 常仲明之妻每遇冬寒兩手熱痛戴人曰四肢諸陽之本也當時散越而不痛及乎秋冬收斂則痛以三花神祐丸大下之熱遂去

運氣 運氣痺有二

一曰濕經云大陰司天濕淫所勝病肘腫骨痛陰痺陰痺者按之不得治以苦熱是也

二曰燥經云陽明所至為尻陰股膝髀腓足痛又云歲金太過燥氣流行甚則尻陰股膝髀腓足皆痛是也

針灸

內經刺灸諸痛法先明經脈次別淺深蓋經脈者為手足十二經脈也

手前廉痛屬陽明經云手陽明脈所生病者肩前痛大指次指痛不用 後廉痛屬太陽經云手太陽脈是動則病肩似拔喘似折所生病者肩臑肘臂外後廉痛 外屬

痛取少陽經曰手少陽脈所生病者耳後肩臑肘臂外皆痛小指次指不用又云邪客手少陽之絡令人臂外痛手不及頭刺手中指次指爪甲上去端如韭葉各一痛左取右右取左 內廉痛取厥陰經云手厥陰脈是動則病手心熱肘臂攣急腋腫 內前廉痛屬太陰經云手太陰脈所生病者臑臂內前廉厥掌中熱 內後廉痛屬少陰經云手少陰所生病者臑臂內後廉痛厥掌中熱痛 足前廉痛屬陽明經云足陽明脈所生病者膝膑腫痛循膺乳氣街股伏兔胛外廉足跗上皆痛中指不用 後廉痛屬太陽經云足太陽脈是動則病頭痛目似脫項似拔脊痛腰以折髀不可以曲脰如結喘如裂是謂踝厥所生病者項背腰尻脰脚背痛小指不用 外廉痛屬少陽經云足少陽所生病者留脇肋髀膝外至脛絕骨外踝前及諸



節皆痛小指次指不用又云足髀不可舉側而取之在樞  
 合中以員利鍼大鍼不可刺又云邪客於足少陽之絡令  
 人畱於樞中痛髀不可舉刺樞中以毫針寒則久留鍼以  
 月死生為數立已 內廉痛屬太陰經云足太陰脈所生  
 病者股膝內腫厥足大指不用 內後廉痛屬少陰經云  
 足少陰脈所生病者脊股內後廉痛足下熱而痛 內前  
 廉痛屬厥陰經云足厥陰脈是動則病腰痛不可以俛仰  
 此十二經手足脈痛皆視虛實寒熱陷下而施補瀉疾  
 留灸之法也也  
也  
 淺深者謂皮脉內筋骨之淺深也 病在皮調之皮蓋取  
 血絡也 病在脈調之脈即取前手足十二經之血脈也  
 病在肉調之分肉內 在肌膚肌膚盡痛名曰肌

痺傷於寒濕刺大分小分多發鍼而深之以為熱故無傷  
 筋骨傷筋骨發若變諸分盡熱病已止 病在筋調之  
 筋經云痛在筋筋攣節痛不可以行名曰筋痺刺筋上為  
 故刺分內間不可中骨也 病在骨調之骨經云病在骨  
 骨重不可舉骨不瘦痛寒氣至骨名曰骨痺深者刺無傷  
 脉肉為故其道大分小分骨熱病已止又云邪在腎則病  
 骨痛陰痺陰痺者按之不得取之湧泉崑崙有血者盡取  
 之又云骨痺舉節不用而痛汗注煩心取三陽之經補之  
一作陰

此皮脉肉筋骨之淺深隨其處取之也

又久痺不去身者視其血絡盡出其血 痛痺久而入臟  
 腑為病刺法見諸痺條

一 渾身疼痛但於痛處鍼不拘經穴須避筋骨穴名天應



穴

撮臂膊疼痛 肩顛 手三里 外關

摘臂膊疼痛并麻痺 肩顛 肩井 曲池

集臂膊麻痺疼痛 肩顛 曲池 手上廉 合谷 不

應再取肩井 列缺

玉臂痛連腕 液門 沿皮向後透陽池灣 中渚 沿皮透腕骨灣

撮臂內廉痛 經渠 一分 靈道 一分 少海 五分

東臂痠攣 肘髻 竅陰 尺澤 前谷 後溪

甲手臂不得上頭尺澤主之 臂不可舉頭項痛咽腫不

可咽前谷主之 肘臂腕中痛頸腫不可以顧頭項急痛

眩淫深肩胛小指痛前谷主之 肘痛不能自帶衣起頭

眩領痛面黑惡風肩痛不可顧關衝主之 肘痛引肩不

可屈伸寒熱頸項肩背痛痠痺不仁天井主之 千金云肩內麻木

肘中澀懼臂內廉痛不可及頭外關主之 肘痛尺澤

主之

撮腕痛 陽溪 曲池

玉腕無力并痛 腕骨 橫針入三分痛則高無力則補 曲池 補瀉全上

撮五指拘攣 三間 一分先瀉後補灸之 前谷 一分瀉 五指皆

痛 陽池 外關 合谷 跨痛腿支風 環跳 在髀中側

伸下足屈上足方可針可入 居窳 一寸二分留 委中 出

血

標幽膈痛蹙足 環跳 懸鍾 摘英作血墟針五分

集膈痛腿支風不能轉側舉動艱難 環跳 三寸半灸

風市 灸二七壯 居窳 三寸半灸 委中 崑崙 三里 陽

陵泉 下穴 五樞 陽輔 腰脚痛 委中 崑崙

人中



桑側脚風 絕骨 太衝

東髀樞痛足脛寒熱足外廉皮骨痛 臨泣分 足三陰

半 陽輔

甲髀樞中痛不可舉以毫針寒留之以月死生為瘡數一作

數立已長鍼亦可 腰脇相引痛急痺筋瘳脛痛不可屈

伸痺不仁環跳主之

東髀筋急脛痛縱緩痿痺喘疼膝冷外廉不可屈伸濕痺

流腫風市 中瀆 陽關 懸鍾 腿痛陽陵泉 三里

伏兔 陰市 腿膝拘攣痛引脇或青或焦或蠶或枯

如腐木狀風市灸 陽陵泉 曲泉 崑崙 腿膝外廉

痛股腫胛痠轉痿痺或膝脛熱不能行動俠溪分 髀關

光明各一 髀痺引膝股外廉急痛脛痠搖動有聲諸

節痠不能行陽陵泉 絕骨 中封

甲膝外廉痛熱病汗不出目外眦赤痛頭眩兩額痛逆寒

泣出耳鳴多汗目痒胃中痛不可反側痛無常處俠溪主

之 膝外廉痛不可屈伸脛痺不仁陽關主之 髀痺引

膝股外廉痛不仁筋急陽陵泉主之 膝內廉痛引髓不

可屈伸連腹引咽喉痛膝關主之

東腿膝內廉痛引髓不可屈伸連腹引咽喉痛太衝五分

中封 膝關 脛痠寒足下熱不能久立濕痺不仁中都

衝陽 承山 承筋 脛寒四肢重少氣難言不得臥

至陽 三陰交

甲痺脛重足胛不收跟痛巨虛下廉主之 脛痛足緩失

履濕痺足下熱不能久立條口主之 脛召七苦痺膝不

能屈伸不可以行梁丘主之

玉草鞋風崑崙寫留 太溪寫留 申脈五分補少瀉多



撮草鞋風足腕痛崑崙

透太溪

丘墟

商丘

各寸半

集又法崑崙

丘墟

商丘

照海

后穴取

太衝

解

分

腕緩不收覆足不任脛痠

然谷

浮白

崑崙

分

撮外踝紅腫痛

申脈

半寸

然谷

崑崙

摘繞踝風

曲池

如繞外踝痛兼刺孫絡

如繞內踝痛

兼刺大都三

分

如腕前廉痛

刺行間六分

行間

內庭

下穴取

崑崙

王脚背紅腫

太衝

丘墟

衝陽

彈針出血

臨泣

集又法

太衝

臨泣

行間

內庭

下穴取

崑崙

丘墟

撮大拇指本節前骨疼

太衝

彈針出血

足五指盡痛不得踐

地湧泉

二分

然谷

一分

申風寒從足小指起脈痺上下帶胃脇痛无常處至陰主

之

足下熱清不能久坐濕痺不能行

陰交

之

痺煩滿面立主之

胃痛痿痺外立主之

寒氣在內

間痛上下痺不仁中瀆主之

諸痺着痺

即麻木不仁

靈衛氣不行則為麻木

刺真節

垣神効黃芪湯治渾身麻木不仁或左或右半身麻木或

面或頭或手臂或脚腿麻木不仁並皆治之

方見目四

芍藥補氣湯治皮膚間有麻木此肺氣不行也

刺老毛

黃芪

白芍藥

橘皮

澤瀉

直効神方

甘草

一兩

右咬咀每服一兩水二大盞煎至一盞去杏温服如肌

肉麻必待瀉營氣而愈如濕熱相合四肢沉痛當瀉濕

熱

行

氣盛不

行

行

行

行

行

行

行

行



垣杜彥達患左手右腿麻木右手大指次指亦常麻木至腕已三四年矣諸醫不效求治明之明之曰麻者氣之虛也真氣弱不能流通填塞經絡四肢俱虛故生麻木不仁與一藥決三日効遂製人參益氣湯服二日便覺手心熱手指中間如氣滿脹至三日後又竟兩手指中間皮肉如不敢觸者似痒痛滿脹之意指上瑟瑟不敢用手擦傍觸之明之云真氣遍至矣遂於兩手指甲傍各以三稜針一刺之微見血如黍粘許則痺自息矣又為處第二第三服之

溫氣虛挾

人參益氣湯治五六月間兩手麻木四肢困倦怠惰嗜臥乃濕熱傷元氣也以此藥治之

- 黃芪錢八 人參
- 甘草錢各五 升麻錢二
- 五味子十一粒 柴胡錢二

芍藥錢三

右咬咀每服稱半兩水五盞煎一盞去查空心溫服服後令少臥於麻痺處按摩屈伸少時午飯前一服日二服

第二次藥煎服如前

- 黃芪錢八 紅花錢五 陳皮錢一 澤瀉

第三次服藥

- 黃芪錢六 黃柏錢二 橘皮錢三 澤瀉
- 升麻錢各二 白芍錢五 生甘草錢四 五味粒一百
- 生苓錢八 炙甘草分

右咬咀分作四服煎服如前法稍熱服秋涼去五味冬月去黃苓服之大効

除濕補氣湯治左腿麻木沉重



黃芪錢八

甘草稍錢六

五味一百二十粒

升麻稍

當歸

柴胡稍

澤瀉各二錢

紅花二錢半

陳皮錢一

青皮錢四

右咬咀分作四服水三大盞煎至一盞去查稍熱食前服

氣虛抄風疾

仲血痺病從何得之師曰夫尊榮人骨弱肌膚盛重困疲勞汗出臥不時動搖加被微風遂得之形如風狀但以脈自微濇在寸口關上小緊宜鍼引陽氣令脈和緊去則愈血痺陰陽俱微寸口關上微尺中小緊外証身體不仁如風痺狀黃芪桂枝五物湯主之

黃芪

芍藥

桂枝各三兩

生薑六兩

大棗十二枚

右五味以水六升煎取二升溫服七合日三服一方有

人參

羅中書左丞張仲謙至元戊辰春正月在大都患風証半身麻木一醫欲下之未決可否命予決之予曰治風當通因通用汗之可也然此地此時雖交春令寒氣猶存汗之則虛其表必有惡風惡寒之証仲謙欲速瘥遂汗之身體輕快後數日再來邀予視之曰果如君言官事繁剝不敢出行當如之何予曰仲景云大法夏宜汗陽氣在外故也今時陽氣信弱初出於地汗之則使衛氣亟奪衛氣失守不能肥實腠理表上無陽見風必大惡矣內經曰陽氣者衛外而為固也又云陽氣者若天與日失其所則折壽而不彰當此之時猶有過汗之戒况不當汗而汗之者乎遂與黃芪建中湯加白朮服之滋養脾胃生發榮衛之氣又以溫粉撲其皮膚待春氣盛表氣漸實即愈矣內經曰化



氣虛挾  
火勞

不可伐時不可違此之謂也黃芪建中湯方見治虛實條

垣戊申春節使趙君年七旬病體熱麻股膝無力飲食有汗妄喜笑善饑痰涎不利舌強難言聲啞不鳴身重如山求治於先師診得左手脈洪大而有方是邪熱客於經絡中也兩臂外有數癢遂問其故對以然香所致先師曰君之病皆此也夫人之十二經灌溉週身終而復始蓋手之三陽從手表上行於頭加以以火邪陽升於陽勢甚熾焉故邪熱毒行流散於周身而熱麻鍼經云胃中有熱則虫動虫動則胃緩胃緩則廉泉開故涎下熱傷元氣而沉重無力飲食入胃慄悍之氣不循常度故多汗心火盛則妄喜笑脾胃熱則消穀善饑肺金衰則聲啞不鳴仲景云微數之脈慎不可灸焦枯傷筋血難復也君奉養以膏粱之味無故加以大毒熱傷於經絡而為此病明矣內經曰熱

淫所勝治以苦寒佐以苦甘以甘瀉之以酸收之當以黃栢知母之苦寒為君以瀉火邪壯筋骨又腎欲堅急食苦以堅之黃芪生甘草之甘寒瀉熱補表五味子酸止汗補肺氣之不足以為臣炙甘草當歸之甘辛和血潤燥柴胡升麻之苦平行少陽陽明二經自地升天以苦發之者也以為佐咬咀同煎取清汁服之更繆刺四肢以瀉諸陽之本使十二經絡相接而泄火邪不旬日而良愈遂名其方曰清陽補氣湯

蒼木錢四 藁木錢二 升麻錢六 柴胡錢三

五味半錢 黃栢酒製三錢 知母酒二錢 陳皮半錢

甘草生二錢 當歸錢二 黃芪錢三

右咬咀每服五錢水一盞半煎至一盞去查空心服之待少時復以美饍壓之



風熱下

補氣升陽和中湯李正臣夫人病診得六脉中俱弦洪緩相合按之無力弦在其上是風熱下陷入陰中陽道不行其症閉目則渾身麻木晝減而夜甚覺而目開則麻木漸退久則絕止常開其目此症不作懼其麻木不敢合眼故不得眠身體皆重時有痰嗽覺胃中常是有痰而不利時煩燥氣短促而喘肌膚充盛飲食大小便如常惟畏麻木不敢合眼為最苦觀其色脉形病相應而不逆內經曰陽盛瞑目而動輕陰病閉目而靜重又云諸脉皆屬於目靈樞曰開目則陽道行陽氣遍布周身閉目則陽道閉而不行如晝夜之分知其陽衰而陰旺也且麻木為風雖三尺之童皆以為然細校之則非如久坐而起亦有麻木假為繩繫縛之人釋之覺麻木作而不敢動久則自已以此驗之非有風邪乃氣不行也不須治風當補其肺中之氣則

麻木自去矣知其經脈陰火乘其陽分火動於中為麻木也當兼去陰火則愈矣時痰嗽者秋涼在外濕在上作也當實其皮毛以溫劑身重脈緩者濕氣伏匿而作也時見燥作當升陽助氣益血微瀉陰火去濕通行經脈調其陰陽則已非五臟六腑之本有邪也補氣升陽和中湯主之

黃芪

人參

甘草

陳皮

當歸

生草根

佛耳草

黃柏

白芍

草苴蕪

蒼朮

澤瀉

白朮

柴胡

升麻

白茯苓

澤瀉

升麻

升麻

右咬咀每服三錢水二大盞煎至一盞去查稍熱服早飯後午飯前服之至八服而愈



溫經除濕湯李夫人十月二十日得立冬嚴霜作時病四肢無力乃痿厥濕熱在下焦也醋心者是濁氣不降欲滿也合眼麻木者陽道不行也開目不麻木者目開助陽道故陰寒之氣少退也頭眩暈者風氣下陷於血分不伸越而作也

羌活分七

獨活分二

柴胡分二

黃芪分二

人參錢一

甘草錢一

白芍錢三

陳皮錢二

白朮錢一

蒼朮錢二

澤瀉錢一

猪苓錢一

黃柏分三

黃連

木香各二

草薢分二

神麴分二

麻黃去節分三

升麻分五

當歸分三

右剉如麻苴大作二服水二大盞煎一盞去查稍熱服食遠治肢節沉重疼痛無力之聖藥也

濕氣風症不退眩運麻木不已除風濕羌活湯主之

羌活兩一

防風兩一

柴胡分五

藁本分一

獨活分五

蒼朮米泔制錢一

茯苓錢二

澤瀉分一

猪苓去皮分二

甘草錢五

黃芪錢一

陳皮分三

黃柏分三

黃連去鬚分一

升麻分五

川芎頭痛分三

右吹咀每服三錢或五錢水二盞煎至一盞去查稍熱服量虛實施用如不盡証候依加減法用之

丹手足麻木者是濕痰死血 十指麻是胃中有濕痰死血

濕痰死血 火燥

子和鄆城梁賈人年六十餘忽曉梳髮竟左手指麻斯須半臂麻又一臂麻斯須頭一半麻比及梳畢從脇至足皆麻大便二三日不通往問他醫皆云風或藥或針皆不解

求治於戴人戴人曰左手三部脈皆伏比右手小三倍此枯澁痺也不可純歸之風亦有火燥相兼乃命一涌一泄一汗其麻立已後以辛涼之劑謂之潤燥之劑濡之惟小



指次指尚麻戴人云病根已去此餘烈也可針溪谷溪谷者骨空也一日晴和往針之用靈樞中雞足法向上臥針三進三引訖復惡針起向下臥針送入十指間皆然手熱如火其麻全愈

停飲

濟茯苓湯治停畜支飲手足麻痺多睡眩暈

半夏湯

赤茯苓

陳皮

枳實

桔梗

甘草

右咬咀每服四錢水一盞姜七片煎服不拘時

形數驚恐經絡不通病生於不仁治之以按摩醪藥全治法

雜方

一法五靈時二兩沒藥一兩乳香半兩川烏頭一兩半炮去皮同為末滴水丸如彈大每服一九生薑溫酒磨治風冷氣血閉手足身體疼痛冷麻

風寒于衛不行為不仁

風論云風氣行諸脈俞散於分肉之間與衛氣相干其道不利故使肌肉憤脹而有蕩衛氣有所礙而不行故其肉

有不仁也全文見諸風門

又氣穴論云肉分之間谿谷之會積寒留舍榮衛不居內

為骨痺外為不仁命曰大寒留於谿谷此亦風寒相于衛

氣致衛氣不行而不仁也全文見氣穴論

仲黃芪五物湯方見本門世傳惡風而麻木者烏附最

驗

平治風寒濕痺麻木不仁藥法 川烏生為末

右用白米作粥半碗藥末四錢同米用慢火熬熟稀薄

不要稠下姜汁一茶匙許蜜三大匙攪勻空心啜之溫

為佳如是濕更入薏苡仁二錢增米作一鍾服○此粥

治四肢不隨痛重不能舉者有此証預宜防之左氏曰



風淫末疾謂四肢為四末也脾主四肢凡邪客於肝則  
淫脾脾為肝剋故疾在末穀氣引風濕之藥徑入脾經  
故四肢得安此湯劑極有力予常用此方以授人服者  
良驗

治風濕四肢浮腫肌肉麻痺甚則手足無力筋脈緩急宜  
續斷丸

川續斷

草薢

當歸微炒

附子

防風

天麻各一兩

乳香

沒藥各半兩

川芎三分

右為細末煉蜜丸如桐子大每服三四十九酒或飲下  
空心食前服

丹溪劉河間作原病式嘗以麻為濫同歸燥門中真識病  
機者也

河前胡散治榮虛衛實肌肉不仁致令癱重名曰肉苛

十前胡

白芷

細辛

官桂

空白木

川芎各三兩

附子炮

吳茱萸湯泡炒

當歸各二兩

川椒去目并閉日者生用二兩

右判以茶酒二升拌勻同窰一宿以煉成猪脂膏五斤  
入藥煎候白芷黃紫色漉去查成膏病在處摩之凡大  
癥瘕瘡癩皆治并去諸風瘡痒痛傷折墜損

針灸

內經針灸着痺分新久新者湯熨灸之經云風寒客入反  
膚或痺不仁腫痛可湯熨及火灸刺而去之是也全文治法見師傳  
久者焯針刺之經云着痺不去久寒不已焯取三里是

也四時氣篇

垣陝師郭巨濟偏枯二指着痺足不能伸迎先師治之以  
長針刺委中至深骨而不知痛出血一二升其色如墨又



診

且繆刺之如是者六七次服藥三月病良愈

**用**膝寒痺不仁不屈伸髀關主之

着痺不移腠肉破身熱脉偏絕是逆也全文見着痺久

而入臟腑者為逆刺法見

**素**榮氣虛則不仁衛氣虛則不用榮衛俱虛則不仁且不

用肉如故也人身與志不相有曰死逆論

**脉**診人被風不仁痿蹙其脉虛者生緊急疾者死

**鶴膝風**即歷節之類

**羅**蚬丸治鶴膝風腰膝風縮之疾

蚬頭尾生桃仁生

白附

阿魏

桂心

安息桃仁

白芷各一

乳香

沒藥各三分已上九味用童便酒二升炒熟另處

北漏蘆

當歸

白芍

牛膝

羌活

地骨皮

歲靈仙各一兩

右蜜為丸彈子大空心温酒化下一丸胡楚望博士病

風痲手足指節皆如桃李痛不可忍服之悉愈

**丹**一丈人年七十歲患脚膝疼稍腫

生地

歸頭

白芍

蒼朮

炒栢三

川芎

桂二

木通一

分四貼煎取小盞食前熱服

飲食積

一男子年近三十滋味素厚性多焦怒秋間髀樞左右一

點發痛延及膝書靜夜劇痛劇惡寒口或渴或不渴或痞

或不痞醫多用風藥兼用補血至次年春其膝漸腫痛愈

甚食漸減形瘦羸至春末膝腫如桃不可屈伸診其脉左

弦大頗實寸瀆甚大率皆數知其小便必數而短遂作飲

食痰積在太陽陽明治之炒栢一兩生甘草稍犀角屑蒼



木鹽炒各三錢川芎二錢陳皮牛膝木通芍藥各五錢遇  
暄熱加條芩三錢為細末每三錢重與生姜自然汁同研  
細多少以水盪起前冷沸帶熱食前飲之一晝夜四次與  
至半月後數脉漸減痛漸輕去犀角加牛膝敗龜板半兩  
當歸半兩如前服又與半月腫漸減食漸進不惡寒唯脚  
膝痠軟未能久立久行去蒼朮黃芩時當夏熱加炒黃柏  
至一兩半予依本方內加牛膝春夏用莖葉冬用根杵取  
汁用之効尤速須斷酒肉濕麵胡椒當仲夏加生地黃半  
兩冬加茱萸桂枝

**雜方**  
**世換骨丹**通治風兼治鶴膝風

- |                      |    |    |     |
|----------------------|----|----|-----|
| 防風                   | 牛膝 | 當歸 | 虎骨  |
| 枸杞 <small>二升</small> | 羌活 | 獨活 | 敗龜板 |
| 秦艽                   | 草薢 | 松節 | 蚕沙  |

右細末煉蜜和杵丸如桐子大每服五十九丸温酒下空  
心食臥服

治筋痺肢節束痛羴羊湯秋服之

- |     |    |    |     |
|-----|----|----|-----|
| 羴羊角 | 肉桂 | 附子 | 獨活  |
| 白芍  | 防風 | 芎藭 | 各一兩 |

右為粗末每服五大錢水一盞羴生美三片同煎至八  
分取清汁服日可二三服

治寒冷濕痺留於筋脉縮不能轉側烏頭湯冬服之

- |     |     |    |    |
|-----|-----|----|----|
| 大烏頭 | 細辛  | 川椒 | 甘草 |
| 秦艽  | 附子  | 官桂 | 白芍 |
| 乾姜  | 白茯苓 | 防風 | 當歸 |

右為粗末每服三錢水一盞生棗二枚同煎至八分去



查空心食前服

千薏苡仁湯治筋攣不可屈伸

白欬

薏苡仁

芍藥

桂心

酸棗仁

乾姜

牛膝

甘草各一兩

附子三枚

右九味以醇酒二斗漬一宿微火煎三沸每服一升日三扶杖起行不耐酒服五合

垣活血通經湯靈壽縣董監軍癸卯年十二月間大雪初霽時因事到真定忽竟有風氣暴作診候得六脉俱弦甚按之洪實有力其症手攣急大便閉並面赤熱此風寒始至加於身也四肢者脾也以風寒之邪傷之則搖急而攣痺乃風滯末疾而寒在外也內經云寒則筋攣正此謂也本人素多飲酒內有實熱乘於腸胃之而故大便閉澀而

面赤熱則手足陽明受邪外則足太陰脛經受風寒之邪用桂枝甘草以却其寒邪而緩其急搖用黃柏之苦寒滑以瀉實而潤燥急救腎水用升麻葛根以升陽氣行手足陽明之經不令遏絕更以桂枝辛熱入手陽明之經為引用潤燥復以芍藥甘草專補脾氣使不受風寒之邪而退木邪專益肺金也加人參以補元氣為之輔佐加當歸身去裏急而和血潤燥名之曰活血通經湯

升麻錢一

葛根錢一

桂枝錢二

當歸錢一

人參錢一

芍藥錢五

甘草錢一

酒栢錢二

右劉如麻苳大都作一服水二盞煎至一盞去查熱服令煖房中近火摩搓其手乃愈

虛學

虛攣者經所謂虛邪轉於筋則為筋攣又云脉弗榮則筋急全支見診生死門又仲景云血虛則筋急此皆血脈弗榮於



筋而筋成攣故丹溪治攣用四物加減本事治筋急極用養血地黄丸蓋本乎此也

靈黃帝曰人有八虛各何以候岐伯曰以候五臟黃帝曰候之奈何岐伯曰心肺有邪其氣留於兩髀腎有邪其氣留於兩膕凡此八虛者皆機關之室真氣之所遇血脈之所遊氣血固邪不住留住留則傷經絡首節機關不得屈伸故病攣也

濕痰

丹一村夫背極僂而足攣已成廢人予診其脈兩手皆沉弦而濇遂以戴人煨腎散與之上吐下瀉過月餘久吐瀉交作如此凡三帖然後平復煨腎散用甘遂末三錢續猪腰子細批破少鹽椒淹透炒藥末在內許三色界燒熱溫酒嚼服之

肝驚

攣皆屬肝經云肝主身之筋故也又云陽明之復其則入肝驚駭筋攣又三脾移寒於肝癰腫筋攣

雜方

心除一切風濕痺四肢拘攣蒼耳子三兩搗末水一升半煎取七合去查呷

針灸

食酒煮木瓜粥裹筋急痛處佳方見鶴

內經鍼灸法取攣有筋攣脈攣之異取筋攣者經云病在筋筋攣節痛不可以行名曰筋痺刺筋上為故刺分肉間不可中骨也病起筋筋只病已止者是也全文見取筋脈者經云手厥陰脈是動則病手心熱肘腕攣急脈腫办虛實寒熱陷下取之是取筋脈之攣也全文見又曰少陽之别名曰外關去腕二寸則肘攣取之所别也全文見

又曰邪客於足太陽之絡令人拘攣背急引脇而痛刺之從項始數脊椎依脊疾按之應手如痛刺之傍三痛十五絡條

是取絡脈之攣也全文見

灸筋急不能行內踝筋急灸內踝四十壯外踝筋急灸



外踝三十壯立愈

玉兩肘俱攣

曲池

九分先瀉後補  
補四呼瀉九吸

尺澤

手如弓方可  
針五分先補

後瀉

標筋攣骨痛

寬明

補

張仲文禪山灸法治脚筋攣急

見腰痛門兩脚  
內外曲交六

撮膝曲筋急不能舒

曲泉

半寸

恠膝筋拘攣不開

兩膝

外曲交尖灸二十  
七壯即委陽穴

甲兩手攣不收伸及掖偏枯不仁手瘻偏小筋急太陵主

之掖拘攣暴脉急引脇而痛內引心肺譴七主之

一身盡痛

寒熱

一身盡痛其病暴似傷寒屬濕痺並見傷寒太陽症門其  
留連難已者於此求之 寒而一身痛者甘草附子湯熱

者拈痛湯

日草附子湯方  
見復寒身疼門

垣拈痛湯治濕熱相搏肩背沉重疼痛上熱胃膈不利及

遍身疼痛

羌活

人參

甘草

防風

苦參

升麻

葛根

知母

黃芩

澤瀉

猪苓

茵陳

白朮

當歸

蒼朮

右為細末每服一兩水二盞煎至一盞食遠或空心日

一服

氣滯

丹婦人患身痛食少脉澁畧沉重取弦實此氣滯也

白朮

青皮

黃芩

芍藥

木通

陳皮

神麴

桂

甘草

蘇梗

右分十貼煎

垣麻黃桂枝升麻湯李夫人患渾身麻木睡竟則少減開



日久則全已閉目則麻復至此症用藥已全去又因家事不和心中煩惱遍身骨節疼身體沉重飲食減少腹中氣不轉運

麻黃不去節五分 桂枝三分 升麻 人參五分

白朮三分 甘草一分 黃芪五分 半夏二分

生薑一分 陳皮二分 厚朴二分 木香一分

茯苓一分 澤瀉三分 黃柏二分 附子二分

草薺二分

右咬咀水一大盞煎至一盞去渣稍熱食遠服

本治遍身皆痛如勞証者若傷寒身體痛者不可服但少年虛損冷憊老人諸疾並皆治之

黃芪 人參 甘草 附子炮

羌活 木香 知母 芍藥

川芎 前胡 枳殼 桔梗

白朮 當歸 茯苓 半夏制已上各五分

柴胡 鱉甲醋炙各一兩 桂心 酸棗仁三分

杏仁炒半兩

右為末每服二錢水一盞姜三片棗二箇烏梅三枚葱白三寸同煎至七分空心溫服

針灸 脾之大絡名曰大包出淵腋下三寸實則身盡痛此脉若

羅絡之血皆取之脾之大絡脉也針灸

潔百節痛實無所知 絕骨三稜金

△產後身痛

虛 雲趨痛散治產後氣弱血滯遍身疼痛及身熱頭疼

牛膝 當歸 桂心 白朮

黃芪 獨活 生薑各半 甘草



薤白 各三  
分半

右吹咀每服半兩水三盞煎至一盞半去查食前服

風寒汚血

五積散加酒煎治感寒頭痛身疼方見傷寒門恐與四物

各半服之穩當加桃仁煎治腰痛逐敗血去風濕

因治產後遍身青腫疼痛及衆疾

牛膝 大麥蘗 等分

右為細末以新瓦罐子中填一重麥蘗一重牛膝如此

填滿用鹽泥固濟火煨過赤放冷研為散但是產後諸

疾熱酒調二錢下

風痺雜合病

風痺風與痺雜合病也蓋風痺痿厥四者多雜合如風痺

風痿痿厥痺厥風厥之類是也風痿風痺病令集中風門

痿厥痺厥即脚氣病今集入厥咀風厥痿痺散見各門風

痺今入痺門焉

陰

靈樞病在陽者命曰風 壽天剛柔篇 東垣云此病在陽因十二

經各受風邪以高言之氣分也故身半以上風之中也用

針當引而去之也又曰散而去之用藥以辛溫發散通因

通用又熱因熱用是也

靈樞病在陰者命曰痺東垣云身半以下濕之中也命曰

痺飲食自倍腸胃乃傷得之勞倦脾胃氣虛而下陷運氣

榮氣不得升浮經營心肺也

陰陽俱病命曰風痺 言陰陽氣俱病也 尺膚濇者風痺也 診法見

靈樞云風痺淫瀼病不可已足如履水時如入湯中股脛

淫瀼煩心頭痛 傷腎 時嘔時暈眩已汗出 傷心 久則目眩 傷肝

悲以善恐短氣不樂 傷脾 不出三年死也 乙云三死

診







